





山谷內集詩註卷第九

考試局與孫元忠博士竹間對窓夜聞

元忠誦書聲調悲壯戲作竹枝歌三章

和之劉禹錫竹枝辭引曰余來建平里

舍思宛轉有淇濮之其民迎神辭多鄙陋乃為作九歌故余

亦作竹枝辭九篇

南窓讀書聲吾伊北窓見月歌竹枝古樂府

勞歌曰南窓北牖桂月光樂錄曰諸調曲皆

有辭有聲辭者其歌詩也聲者若羊吾夷伊那何之類也近世郭茂倩編樂我家白

府於相和歌辭叙引中亦載此語

髮問烏鵲他家紅粧占蛛絲山谷太夫人於時無恙故東坡

試院中詩有云羨君懷中雙橘紅西京雜記陸生云乾鵲噪而行人至蜘蛛結而百事喜

老杜詩浪傳烏鵲喜深負脊令詩

屋山啼烏兒當歸玉釵買蛛郎馬嘶去時燈

火正月半階前雪消萱草齊退之寄廬山詩每騎屋山下窺

瞰蜀志姜維傳註孫盛雜記曰維得母書令求當歸老杜詩螢鑒綠帷微蛛絲買鬢長靨

情集鸞鸞傳楊巨源詩曰青潤潘郎王不如中庭蕙草雪銷初

勃姑夫婦喜相喚街頭雪泥即漸乾已放游

絲高百尺不應桃李尚春寒歐公詩曰病識陰晴似勃姑又

曰天雨止鳩呼婦還鳴且喜老杜詩街頭酒
價常苦貴庾信燕歌行曰洛陽游絲百丈連
黃河春冰千片穿又
云數尺游絲却橫路

觀伯時畫馬禮部試院作

儀鸞供帳饗蟲行翰林濕薪爆竹聲風簾官

燭淚縱橫上三句言供擬之寒陋也供張弊

行於其間國朝會要曰儀鸞司在拱宸門外

嘉平坊掌奉供帳之事翰林司在大寧門內

掌供御酒茗湯菓及游幸宴會內外設神

異經曰山臊畏爆竹聲後漢巴祗與客暗坐
不燃官燭李商隱詩曰風簾殘燭
隔霜清老杜詩曰四座淚縱橫
未染透坐窓不邀令人瘦貧馬百竇逢一豆

言鑠富甚久出院未有期鬱鬱自苦如貧馬
之得瘦真詰曰太極老君與傳先生亦鑠使
穿一石磐厚五尺許積四十七年而石穿遂
得神丹庭燎詩註曰夜未央猶言夜未渠央
也音義曰渠音其遽反元次山詩曰豈欲皂
櫪中爭食乾與賢自註云麪糠中可食者下
沒反牛馬食餘草節曰賢下諫反按集眼明
韻賢音何間反莖餘草也又侯櫛反
見此玉花驄徑思著鞭隨詩翁城西野桃尋
小紅老杜詩吾與汝曹俱眼明又丹青引曰
先帝天馬玉花驄畫工如山貌不同一
本作五花驄按老杜高都護驄馬行曰五花
散作雲滿身晉書劉琨傳曰常恐祖生先吾
著鞭詩翁謂東坡老杜
詩點注桃花寄小紅

題伯時畫揩痒虎

猛虎肉醉初醒時揩磨苛痒風助威俗言虎食狗則

醉禮記內則曰疾痒苛痒註云苛痒也退之肅記馬有痒磨樹者枯楠未覺

草先低木末應有行人知老杜有枯楠詩樂

草低見牛羊老杜詩我行已水濱我僕猶木末此詩謂行人居高見風生草低因覺其有

虎也

題伯時畫觀魚僧

橫波一網腥城市日暮江空煙水寒退之詩長網橫

江漁紫鱗歐公作蘇子美墓誌載御史劉元瑜語曰為相公一網打盡當時萬

事心已死猶恐魚作故時看列子曰死形廢山

谷舊跋此畫為玄沙畏影圖按傳燈錄玄沙
宗一大師姓謝氏幼好垂釣年甫三十忽慕
出塵乃棄釣舟落髮後得法於雪峯

題伯時頓塵馬

竹頭槍地風不舉文書堆案驢自語

戰國策
素王謂

唐且曰布衣之怒免冠徒跣以頭槍地元稹詩滿眼

文書堆案邊眼昏偷得暫時眠元次山寢論

曰寐中寢言非所知也韻書云寢睡語也

忽看高馬頓風塵亦思歸家洗袍袴

搖面辜應物詩亂髮思一柳垢衣思一
換時山谷在試院中故有思歸之語

題伯時畫嚴子陵釣灘

嚴後漢書逸民傳
光字子陵少

與光武同游學及光武即位使聘之三
反而後至除為諫議不屈乃耕於富春
山後人名其釣
處為嚴陵瀨焉

平生以要劉文叔不肯為渠作三公魯論曰

忘平生之言亦可以為成人矣註云久能令

漢家重九鼎桐江波上一絲風汲黯曰夫以

容反不重耶此句蓋用此意漢書宣帝曰漢

家自有制度史記平原君傳曰毛遂使趙重

於九鼎大呂嚴光傳註曰桐廬縣南有嚴子

陵漁釣處按桐廬今屬嚴州東漢多名節之

題伯時畫松下淵明

此篇與上卷卧陶

詩大抵同意洪

州本無山字一韻而以彈
字為第二韻疑脫誤也

南渡誠草草長沙慰艱難南渡謂晉元帝渡江太白金陵詩曰

晉家南渡日此地舊長安退之桃源行曰羣
馬南渡開新主晉書陶侃傳蘇峻平敗封長

沙郡公薨後成帝下詔曰作藩于外八州肅
清勤王于內皇家以寧昭明太子作陶淵明

傳曰曾祖侃晉大司馬又云自以曾祖晉世
宰輔耻復屈身後代自宋武帝王業漸著不

復肯終風霾八表半夜失前山張淵方田家
本有此兩句

仕蓋言晉宋市朝之變也詩曰終風且霾註謂
終日風為終風霾土雨也淵明詩曰八表同

昏平陸成江莊子曰藏山於澤夜半有力者
負之而走蜀中舊本元作平生夢管葛採菊

見南山言淵明初名元亮本慕諸葛孔明有
當世志晚年耻屈身異代始自放於山林也

蜀志諸葛亮傳曰自比管仲樂毅淵遠公香

明詩曰採菊東籬下悠然見南山

火社遺民文字禪章高僧傳曰彭城劉遺民

乃於精舍無量壽像前建齋立社共期西方

乃令遺民著其文又陳舜俞廬山記曰遺民

與什肇二師好揚摧經論文義之華一時所

挹樂天詩本結菩提香火社維摩經曰有以

音聲語言文字而作佛事傳燈錄達磨傳道

列曰如我所見不執文字不離文字而為道

用東坡寄辯才詩有臺閣山林雖非老翁事

况無異故應文字不離禪之句

幽尚亦可觀今本蜀中舊本作幽况亦可觀

陶雖不入社然常往來其間以諸人志尚幽

遠亦有可觀故也盧阜雜記曰遠師結白蓮

社以書招陶淵明陶曰弟子性嗜酒若許飲

即往矣遠許之遂造焉因勉令入社陶攢眉

而去廬山記曰陶元亮居栗里山阿陸脩靜亦有道之士遠師嘗送此二人與語道合不

覺過虎溪淵明傳又曰時周續之入廬山事釋惠遠彭城劉遺民亦遁迹匡山淵明又不

應徵命謂之潯陽三隱退之詩豈敢尚幽獨與世實參差魯論曰雖小道必有可觀者焉

松風自度曲我琴不須彈非用左太冲招隱詩

有清音之意文選顏延年詩松風導路急漢書元帝贊曰自度曲被歌聲淵明傳曰不解

音律而蓄無弦素琴一張客來欲開說觴至每酒酣適輒撫弄以寄意

不得言漢書曹參傳曰度客欲有言復飲酒終不得開說

出禮部試院王才元惠梅花三種皆妙

絕戲答三首

邵氏辨誣云王棧京師人

諸人廢立事其子直方不以父為然每與士大夫言父晚年病心云棧字才元

直方字

立之

城南名士遣春來三月乃見臘前梅定知鎖

著江南客故放綠陰春晚回

山谷有此詩跋云州南王才元

合人家有百葉黃梅妙絕禮部鎖院不復得

元開院之明日才元遣送數枝蓋是歲大雨

雪寒甚故梅亦晚開耳又一跋云元祐初鎖

試禮部阻春雪還家已三月王才元舍人失

紅黃多葉梅又種為作三詩付王家素素歌

之宗室趙子提家有此錄本惜其翰墨不可

復見因附于此鄭谷詩曰坐中

亦有江南客莫向春風唱鸝鵒

舍人梅塢無關鎖携酒俗人來未曾用韓退之竹洞

詩意嚴維詩并塘春水慢花塢夕陽遲元稹崔微歌曰史感微心開鎖開文選嵇康書曰

俗人喜舊時愛桑陶彭澤今作梅花樹下僧此

山谷自道言其持律不飲無復把菊待酒之

花意元稹詩禪僧偶向花前定滿樹狂風滿樹

病夫中歲屏杯杓百葉緗梅觸撥人拂殺官

黃春有思滿城桃李不能春史記項籍紀曰沛公不勝杯杓

不能辭說文細字註云帛淺黃色也觸撥字

一本作料理王立之詩話曰觸撥字初作故

惱其後改焉按樂天榴花詩香塵擬觸坐禪

人又詩撐撥詩人興勾牽酒客歡官黃謂黃

本官書退之詩杏花兩株能
白紅又曰廉纖晚雨不能晴

王立之承奉詩報梅花已落盡次韻戲

答

南枝北枝春事休榆錢可穿柳帶柔

白氏六帖云大

庾嶺頭梅南枝落北枝開漢書食貨志註定

是沈郎作詩瘦不應春能生許愁

南史沈約傳謝玄暉

善為詩任彦昇工於筆約無而有之約以書

陳情於徐勉言已老病百日數旬革帶常應

移孔以手握臂率計月小半分欲謝事求歸

老之秩本事詩李白戲杜甫曰借問別來太

瘦生揔為從前作詩苦庾信愁賦去

攻許愁城終不破盪許愁門終不開

乞姚花二首

歐公牡丹釋名曰姚黃者千葉黃花出於民姚氏家

正是風光嬾困時姚黃開晚落應遲

春光嬾詩

困倚微風東坡梅詩曰也知早欲雕好句乞落坐先開此句反其意用之

春色日曆如山不到詩

言方脩史未暇苦思雕刻詩語也文選任

彦昇作王文憲集序曰豈直雕章縵采而已哉唐貞元之末朝廷政令著於日曆國史職

官志云著作郎及著作佐郎掌修撰凡宰執時政記左右史起居註所書會集修纂以為

一代之典按實錄章惇言先帝日曆始自熙寧二年正月至三年終係元祐中秘書省官

孔武仲黃庭堅司馬康修纂劉歆七略曰武帝廣獻書之路百年之間書積如丘山

青春日月鳥飛過汗簡文書山疊重

樂天詩百年青春

天過鳥翼下句意見前篇註後漢吳祐傳註

日殺青者以火炙簡令汗取其青易書復不

蠹謂之殺青亦謂之汗簡文選沈休乞取好

文詩山嶂遠重疊笛賦曰密櫛疊重

花天上看宮衣黃帶御爐烘天上謂史局李

黃賈至詩衣冠身染御爐

香烘音呼公反說文燎也

效王仲至少監詠姚花用其韻四首

映日低風整復斜綠玉眉心黃袖遮古樂府

見心知不是牛家花

大梁城裏雖罕

朱鷺曲曰映日上金髮又轂勒歌曰風吹草

低見牛羊杜牧之詩云整整復斜斜隨旗簇

晚沙更信武媚娘詩云眉心

濃黛直點額角輕黃細安

大梁城裏雖罕

釋名曰牛黃亦千葉出

大梁即汴京歐公牡丹

於民牛氏家此姚黃差小史記
呂不韋傳曰子楚心知所謂一

九疑山中萼綠華黃雲承轡到羊家真筌虫

蝕詩句斷猶託餘情開此花真誥曰萼綠華降羊權家云是

九疑山得道女羅郁也黃雲非奉事止以形
容此花如前詩黃袖後詩黃鵠爾文選謝靈

運擬阮瑤詩曰風悲黃雲起李善註
引淮南子曰黃泉之埃上為黃雲

仙衣襞積駕黃鵠草木無光一笑開司馬相如上林

賦曰鄭女曼姬被阿錫揄紆綺襞積褰縐鬱
繞谿谷註謂即今之裙襜漢書烏孫公主歌

曰願為黃鵠兮歸故鄉樂天長恨歌曰人間
回頭一笑百媚生六宮粉黛無顏色

風日不可奈故待成陰葉下來人間風日見

詩綠葉成
陰子滿林

湯沐冰肌照春色海牛壓簾風不開

後漢百官志公

主所食湯沐曰國縣莊子曰肌膚若水雪郭璞爾雅註曰冰雪脂膏也

浴華清池溫泉水滑洗凝脂杜牧之詩金釵翠直言紅塵無路入

猶傍蜂須蝶翅來

上蓋以戲仲至老杜詩花藥

寄杜家父二首

紅紫爭春觸處開九衢終日犢車雷

言看花者之多

車聲如雷漢書馬不疑傳曰有一男子乘黃犢車司馬相如長門賦曰雷隱隱而響起

象君之閑情欲殺春將去鳥喚花驚只麼回車音

淵明有閑情賦退之詩鳥喚昏不醒傳燈錄永嘉證道歌日不可得中只麼得云

風塵點汗青春面自汲寒泉洗醉紅徑欲題

詩嫌浪許杜郎覓句有新功上兩句謂掉花

圖省識春風面又示宗武詩覓句新如律○山谷答洪駒父書曰想鈞深索隱有日新之功

王才元舍人許牡丹求詩

聞道潛溪千葉紫主人不翦要題詩欲搜佳

句恐春老試遣七言賒一枝歐陽牡丹釋名曰潛溪緋以地

者又云左花千葉紫花出民左氏家末句言詩成倉卒未足以當此花之價李涉詩冥搜

得詩

謝王舍人翦狀元紅

狀元紅牡丹名

清香拂袖翦來紅似繞名園曉露叢欲作短

章憑阿素緩歌誇與落花風

老杜詩名園依綠水王立之詩

話曰山谷與余詩云欲作短歌憑阿素字寧字

作緩歌字按顏延之五君詠曰頌酒雖短章

深衷自此見樂府隋丁六娘十索詩曰寄語

戲答陳季常寄黃州山中連理松枝二

首龍立子東慥季常本肩山人家於黃州岐亭

故人折松寄千里想聽萬壑風泉音誰言五

鬣蒼煙面猶作人間兒女心老杜謂萬壑秋氣

高文選頭陀寺碑曰崖谷共清風泉相喚西

陽雜俎曰世言松五粒者粒當言鬣自有

種名鬣皮如鱗甲而結實多新羅多此

種史記呂公謂呂媼曰非兒女所知

老松連枝亦偶然紅紫事退獨參天退之詩

黃黃燕

青花桃李事已還老杜古

由行曰黛色參天二千尺

不妨隨俗暫嬋娟佛傳燈錄僧問風穴如何是

世言觀音化身未見所出按續玄怪錄昔延

州有婦人頗有姿兒少年子悉與之狎昵數

歲而歿人共葬之道左大賢中有胡僧敬禮

其墓曰斯乃大慈悲喜捨世俗之欲無不徇

焉此即鎖骨菩薩順緣已盡爾眾人開墓以視其骨錐結皆如鑲狀為起塔焉馬郎婦事大率類此

次韻子瞻送李多

李多字方叔陽翟人素為東坡所知元祐

三年東坡知貢舉得程又異之謂必方叔擢置第一既開榜非是東坡悵然作

詩送方叔有與君相從非一日筆勢翩翩疑可識之句

驥子墮地追風日未試千里誰能識

東坡作王大年

哀詞曰驥墮地走虎生而班崔豹古習之實今註曰秦始皇七馬有追風躡景

錄葬皇祖斯文如女有正色

李翱字習之作皇祖楚金寶錄

乞銘於韓退之其文瑰奇具見於集中山谷引李氏事以比方叔法言曰女有色書亦有

色乎曰有女惡華丹之亂窈窕也書惡滌爾之濕法度也○莊子曰孰知天下之正色哉

今年持橐佐春官遂失此人難塞責

漢書趙充國傳

張安世本持橐簪筆唐書王勃傳武后見駱賓王機曰宰相安得失此人漢書公孫弘傳

曰終無以雖然一閔有奇偶博懸於投不在報德塞責

德

射利於市得失有命如六博之投勝負偶然視不豫人之賢否也法言曰一閔之市

必立之平漢書李廣傳大將軍陰受上指以爲李廣數奇註云言命隻不耦合也史記蔡

澤曰博者或欲大投或欲分功註引君者巨班固奕指云傳懸於投不必在行

浸朝百川此豈有意潢潦前

莊子曰大浸稽天而不溺書曰

江漢朝宗于海退之詩潢潦無根源朝願爲滿父已除老杜詩此豈有意仍騰驤

霧豹懷文隱莫愛風蟬蛻骨仙

言無以速化為事列女傳

陶答子妻曰南山有玄豹霧雨七日不下食者何也欲以澤其毛衣而成其文章故藏以

遠害選詩蕭瑟含風蟬夏侯湛東方朔畫贊曰蟬蛻龍變棄俗登仙

次韻宋楙宗三月十四日到西池都人

盛觀翰林公出邀

翰林公謂東坡東坡詩中有和宋肇遊西

池即此韻

金猊繫馬曉鶯邊不比春江上水船

金猊謂

色。國朝禁從皆跨猊鞍老杜詩曰百丈誰家上水船又按撫言朱梁時姚洎為學士一日梁祖問及裴延裕曰願知其人思敏洎曰向在翰林號下水船梁祖曰卿便是上水船

也洎甚慙此入語車聲喧法曲花光樓影倒

晴天唐書禮樂志初隋有法曲其聲清而近雅玄宗酷愛法曲選坐部伎子弟三百

數於梨園文選天合賦序曰或倒影於重演李善註謂山臨水而影倒老杜漢陂臺詩曰

顛倒白閣影宋子京詩樓影壓池天人間化鶴三千歲海上看

羊十九年神仙傳蘇仙公者桂陽人有數十白鶴來止郡城東北樓上人或挾彈彈之鶴

以瓜攪樓板似漆書云城郭是人民非三百甲子一來歸吾是蘇君彈我何為按洞仙傳

仙公即蘇耽此引用以言東坡蓋神仙中人漢書蘇武傳匈奴使從武北海上武杖漢節牧

羊留匈奴千九歲此引用以言東坡黃州之謫老杜詩蘇武還作遨頭驚俗眼風流文物

看羊陶賦庭

屬蘇仙

蜀人喜游樂謂成都帥為遨頭此借

遊首老杜詩文采風流今尚存左傳曰文物以紀之蘇仙見前註今郴州之東有蘇仙山

韓獻肅公挽詩三首

獻肅其先真定人其祖魯公葬於許

父忠憲公始居太廟之通衢事具李清臣所作韓太保墓表

鬱鬱高陽里生才世不孤

後漢書光武紀曰氣佳哉鬱鬱葱葱

又荀淑傳有八子時人謂之八龍苑康政其里曰高陽里謂高陽氏有才子八人也獻肅

蓋忠憲公億之子忠憲八子曰綱綜絳繹維縝緯紆多為聞人絳縝皆為丞相維為門下

侍郎魯論曰德不孤必有鄰○晉書轅門之德不孤八龍歸月旦三鳳

絕天衢

八龍見首句註後漢書許劭傳曰與從兄靖共覈論鄉黨人物每月輒更

其品題汝南俗有月旦評焉三鳳謂絳綰維也唐書薛收傳元敬收德音號河東三鳳易

曰何天梁壞吾安仰人亡道固臞檀弓子貢之衢亨

頽則吾將安仰梁木其壞哲人其萎則吾將安放夫子殆將病也蓋寢疾七日而沒下句

謂老成云亡後生無所師法利欲戰於胃中而道不勝故如子夏之癯也韓非子曰子夏

見曾子曾子曰何肥也對曰戰勝故肥也吾人見先生之義則榮之出見富貴之樂又榮

之兩者戰於胃中未知勝負故肥空令湖海士愁故癯今先生之義勝故肥

絕莫生芻湖海士山谷自謂魏志徐邈傳曰陳元龍湖海之士豪氣不除後漢

書徐穉傳郭林宗母死穉往吊之置生芻一束束於廬前而去林宗曰詩不云乎生芻一束

其人如王吾無德以堪之○老杜詩放歌頗愁絕

物產元希世風流更折衝決疑京兆尹富國

大司農

文選魏都賦曰山州之卓詭物產之魁殊靈光殿賦曰邈希世而特出折

衡見上註漢書雋不疑為京兆尹有一男子自謂衛太子不疑曰昔蒯瞶違命出奔輒距

而不納春秋是之衛太子得罪先帝此罪人也遂送詔獄獻肅英宗朝權知開封府狹日

除三司使○按范純仁所作公案誌云公任開封府推官有男子冷清自稱皇太子言其

母常得幸掖庭有娠出而生活清都人聚觀洵洵吏收捕不敢急一府驚疑莫知所決清竟

止流近郡公上疏引方遂詐稱戾太子事論奏甚切天子遣中使獨以問公追清伏誅

遠業終三事仁聲達九宗

後漢書伏湛等贊曰中興以後名相

以任職取名者豈非先遠業後小數哉三事謂三公詩曰三事大夫獻肅哲宗即位檢校

太傅進封康國公仁聲見孟子左傳曰懷姓
九宗註云懷姓唐之餘民九宗一姓為九族
太玄經聚首亦曰九宗之好此引用蓋取莊
子澤及三族之意又按拾遺記漢王濤積粟
十庾九族宗親
皆仰其衣食
方祈酌周斗何意輟秦春葦
詩酌以大斗以祈黃耆者史記商鞅傳趙良曰
五穀大夫死秦國春者不相杵選詩任昉哭
范雲曰輟春京國鉤後漢書景
丹傳曰何意二郡良為吾來

淚盡才難日斯人遽隕傾冰枝憂木稼食昂

恨長庚漢書五行志春秋成公十六年雨木
冰或曰今之長老名木冰為木介舊

唐書寧王卧疾引諺語曰木稼達官怕必大
臣當之吾其死矣已而果然春秋佐命期曰大

蕭何稟昂星而生漢書鄒陽傳曰衛先生為
趙畫長平之事太白食昂○韓魏公將薨京

師木稼陝西道中山崩覆居民數十家今於

上有魏山大王祠是也故荆公作魏公挽詩

有曰木稼惟聞達官怕山頽果見哲人萎最

為絕唱今公詩亦曰冰枝憂木稼同記此事

也惟梁裝吾安仰亦名與具茨重心如潁水

必有記特人不知耳清具茨山及潁水皆在今許州具茨見上註

俱漢書灌夫傳曰潁水清灌堂堂萬夫表直

氏寧又鄭崇傳曰臣心如堂堂萬夫表直

作閉佳城詩直見上註老杜

次韻子瞻以紅帶寄王宣義

王淮奇字慶源眉之

青神人東坡叔丈人也晚以累舉因得官

參軍但有四立壁初無臨江千木奴四壁見上註襄

陽記李衡於武陵龍陽洲上種橘千樹臨死

亦足用矣白頭不是折腰具桐帽棕鞵稱老

夫老杜詩黃帽映青袍非供折腰具郭若虛

裹於僕頭之內曲禮曰大夫七十而致仕若

不得謝適四方乘安車自稱曰老夫嘗見山

谷答蜀人楊明叔簡云桐帽本蜀人作以桐

木作而漆之如今之帽三十年前猶見之棕

鞵本出蜀中今南方叢林亦作蓋野夫黃冠

之意明叔寫此詩贊於山谷故其言云爾○

按蘇叔黨所作王元直墓表云季父慶源官

於雅州以論事不合取官長怒憂以罪去謀

彼何人公笑曰古人不肯束帶見督郵

鷺野心性陰壑虎豹雄牙須言山林之逸性

滄江鷁

文選任彦昇詩滄江路窮此老杜詩盤渦鷺
浴底心性又詩云陰壑生靈籟月林散清影

退之詩又嘗疑龍
鵬鷄作袞初服在猩血染

帶鄰翁無酒西京雜記司馬相如以鷦鷯裘貫

進不八以離尤考退將復修吾初服唐文粹

至於一斗其說昨來杜鵑勸歸去更待把酒

聽提壺山梅聖俞四禽言子規云不如歸去春

言有翼可歸飛安用空啼自高樹又提壺云

提壺盧沽羨酒風為賓樹為友山花撩亂目

前開勸爾今當今人材不乏使天上二老須

人扶時文潞公呂申公皆以大老平章軍國

重事左傳曰日君之使使臣斯司馬老

卷之九

杜詩云此生已愧須人扶。兒無飽飯尚勤

書婦無複樨且著襦世說韓康以給與花宣

云人寧可使婦無樨晉書韓伯傳伯數歲母

為作襦令捉熨斗而謂之曰且著襦尋當作

複樨伯曰不復須火在斗中而社甕可漉溪

可漁更問黃雞肥與癯杜牧之詩社甕爾來

傳曰取頭上葛巾漉酒太白詩白林間醉著

酒初熟山中歸黃雞啄黍秋正肥人詩云漁翁醉著無人喚史記郢

人伐木猶夢官下聞追呼猶伐木喧譟之聲萬釘圍腰

莫愛渠富貴安能潤黃壚隋書楊素傳賜萬

釘寶帶列子曰死

後餘名豈足潤枯骨淮南子曰上際九天
下契黃壚高誘註云泉下有壚山際九

聽宋宗儒摘阮歌唐書元行冲傳有人破古家得銅器似琵琶

身正圓行冲曰此阮咸所作器也命以木弦之其聲清亮樂家遂謂之阮咸

翰林尚書宋公子文采風流今尚爾

翰林尚書當是

宋景文公老杜丹青引自疑耆域是前身囊

中探丸起入死高僧傳耆域竺人周流華竺靡有常所神奇任性迹行

不常汝南滕永文兩脚擎屈不能起行域取

爭水一杯楊柳一枝拂水舉手尚永文而呪
如此者三因以手搦永文膝令起即行
如故老杜詩囊中藥未陳餘見上註
覓如

千歲枯松枝落魄酒中無定止

盧仝與馬異詩曰此骨縱

橫奇又奇千歲萬歲枯松枝樂天詩曰兒將松共瘦心與竹俱空漢書酈食其傳家貧落

魄無衣得錢百萬送酒家一笑不問今餘幾

昭明太子作陶淵明傳曰顏迎之留三萬錢與淵明淵明悉遣送酒家稍就取酒漢書疏

廣傳問其家金餘尚手揮琵琶送飛鴻促絃

有幾片趣賣以共具聒醉驚客起歸鵲康詩曰目送寒蟲催織月籠

秋獨鴈叫群天拍水此以下四韻皆形容曲聲爾雅蟋蟀註云今

促織也杜牧之詩曰煙籠寒水月籠沙還楚之詩一一叫羣猿又云海氣昏昏水拍天

國霸臣放十年漢宮佳人嫁千里史記屈原傳曰令尹

子蘭短屈原頃襄王怒而遷之楚辭大招序

良永子王嬌字昭君賜單于深閨洞房語恩

怨紫燕黃鸝韻桃李文選江文通別賦云慙

語恩怨相爾改樂大琵琶引曰問關鶯語花

底骨幽咽泉楚狂行歌驚市人漁父挈舟在

葦魯論曰楚狂接輿歌而過孔子莊子曰

綠葦間孔子待水波定問君枯木著朱繩何

能道人意中事樂天琵琶引曰低眉信手續

祖衡傳黃祖曰處士此正得君言此物傳數

姓玄璧庚庚有橫理文選劉越石詩握中有

謂若琴之斷文漢書文帝紀曰代王卜之兆

得大橫占曰大橫庚庚子為天王註云庚庚

橫閉門三月傳國工身今親見阮仲容周禮

記輪人曰可規可萬謂之國工註云國之名

工此借用謂傳於教坊樂工也晉書阮咸字

仲容我有江南一丘壑安得與君醉其中曲肱

聽君寫松風一丘壑見上註按

自門下後省歸卧酺池寺觀盧鴻草堂

圖元豐八年以門下中書外省為後省

唐書隱逸傳盧鴻字顯然居嵩山玄

宗備禮徵之辭還山

賜隱居服官營草堂

黃塵逆帽馬辟易歸來下簾卧書空不知綉

鞍萬人立何如盧郎駕飛鴻逆謂迎也漢書項籍傳曰人馬

俱驚辟易數里註云開張而易其本處王傳叙曰嚴君平得百錢足自養則閉肆下簾

而授老子晉書殷浩傳雖被放黜口無怨言但終日書空作咄咄怪事四字而已談花曰

宰相使相賜綉寶相花雜花韞文選陸士衡詩曰思駕歸鴻羽郭璞

游仙詩曰赤松臨上游駕鴻乘紫煙

題子瞻寺壁小山枯木張方回家本云題子瞻酺池寺

子書齊旁畫木石壁兩首

爛腸五斗對獄吏白髮千丈濯滄浪金樓子教洪遠

云周旦腹中有三斗爛腸此云五斗未詳或

字誤耳漢書周勃傳曰安知獄吏之貴對獄

吏謂東坡元豐間下御史臺獄太白詩白髮

三千丈綠愁似介長濯滄浪見上註謂謫黃

州却來獻納雲臺表小山桂枝不相忘文選

時暉詩獻納雲臺表功名良可收李善註引後

漢書肅宗詔賈逵入講尚書南宮雲臺楚辭

淮南王劉安有招隱士序曰淮南小山

之所作也其詞曰攀援桂枝兮聊淹留

又

海內文章非盡師能回筆力作枯枝豫章從

小有梁棟也似鄭公雙鬢絲老杜詩海內文

與筆力唐書閻立本傳閻外傳呼畫師閻立

本文選曹顏遠詩曰棲鳥去枯枝南史王儉

傳袁粲見之曰括柏豫章雖小已有棟梁氣
矣老杜贈鄭虔詩鄭公樗櫟散鬢成絲酒後猶
舞老畫師詩意謂東坡豫章梁棟之材
亦效鄭公樗櫟之散木游戲於小筆也

題子瞻枯木

折衝儒墨陣堂堂書入顏楊鴻鴈行折衝見

荀子禮論曰儒者使人兩得之也墨者使人兩喪之也是儒墨之分也孫子曰勿擊堂堂

之陣顏謂魯公揚謂凝式晉書王羲之傳自稱我書比鍾繇當抗行比張芝草猶當鴈行

也第一句元作文章月與爭光後改焉胷中元自有丘壑故作

老木蟠風霜此兩句元作筆端放浪有江海臨深枯木飽風霜晉書謝鯤傳

曰或問論者以君方庾亮何如答曰端委廟堂使百僚準則鯤不名亮一丘一壑自謂過

之漢書鄒陽傳曰蟠木根抵輪囷離奇世說
註引支氏逍遙論曰至人乘天正而高興遊

無窮於
放浪

和子瞻戲書伯時畫好頭赤

李侯畫骨不畫肉筆下馬生如破竹老杜丹

幹惟盡肉不盡骨此反而用之破竹言其神

速晉書杜預傳曰今兵威已振譬如破竹數
節之後皆秦駒雖入天仗圖猶恐真龍在空

迎刃而解
谷立仗馬見上註岑參詩云曉隨天仗入暮

出一洗萬古九馬空白駒精神權奇汗溝赤
詩曰皎皎白駒在彼空谷

有頭赤烏能逐日
後漢馬援傳註銅馬相法
曰汗溝欲深長前漢書渥

注馬歌曰露赤汗沫流赭志周儻精權奇薛
綜赤鳥頌曰赫赫赤鳥惟日之精此借用言

馬頭赤如日中鳥故能逐日也王子年拾遺
記曰周穆王八駿四名越影逐日而行○東

坡詩序言御安得身為漢都護三十六城看
馬好頭赤

歷歷後漢西域傳曰武帝時西域內屬有三
十六國漢置使者校尉領護之宣帝改

曰都護退之詩歷歷想行居歷守韻東披莫
教優孟下葬地厚衣薪推天銅歷黃門黃金

絡頭依圍人免聽北風懷所歷
山谷詩又如此興寄各異而奇

詠伯時畫太初所獲大宛虎脊天馬圖

漢書禮樂志天馬歌曰天馬
徠出泉水虎脊兩化若鬼

筆端那有此千里在曾中四蹄雷電去三顧

馬群空

老杜畫馬贊曰四蹄雷電一日天地崔豹古今註曰秦始皇有馬名追電

退之送溫造序曰伯樂一誰能乘此物超俗過冀北之野而馬羣遂空

駕長風

世說註魏氏春秋曰時謂王戎未能超俗也南史宗慤曰願乘長風破萬

浪里逸材歸轡勒歲在執徐同

漢武帝太初三年貳師將軍李

廣利伐宛得其善馬四年春還京師按是歲庚辰爾雅歲在辰曰執徐故天馬歌云天馬

徠執徐時伯時畫此馬蓋在元祐三年戊辰

詠伯時畫馮奉世所獲大宛象龍圖

上黨良家子挽強如屈肘三十學春秋豈為

莎車首

漢書馮奉世上黨良家子選為郎年三十餘學春秋本始中擊莎車莎車

王自殺傳其有長安得其名馬象龍而還周勃傳註曰如今挽強司馬左傳戟手註曰屈肘如誰言馮光祿不如甘延壽雖無千戶封

乃得六龍友

宣帝議封奉世蕭望之獨以其矯制違命不宜受封上以奉世

為光祿大夫奉世死後甘延壽以誅郅支單于封為列侯於是杜欽上疏追訟奉世前功上以先帝時事不復錄漢志渥洼馬歌曰今安匹龍為友易乾卦曰時乘六龍以御天也

題竹石牧牛

并引

子瞻畫叢竹怪石伯時增前披牧兒騎牛

甚有意態戲詠

野次小崢嶸幽篁相依綠阿童三尺箠御此

老鰕鯨

楚辭曰命處幽篁兮晉書羊祜傳阿童復阿童此借用莊子曰一尺之蠶

日取其半萬世不竭鰕鯨見孟子

石吾甚愛之勿遣牛礪角

牛礪角尚可牛鬪殘我竹

左傳子皮曰愿吾愛之不吾叛也此

用其語律退之石鼓歌曰牧童敲火牛礪角唐人李涉詩云無柰牧童何放牛喫我竹

題伯時天育驃騎圖二首

老杜有天育驃騎歌天育

唐廐名也

玉花照夜今無種櫪上追風亦不傳

明皇別傳曰上

乘照夜白玉花驃老杜丹青引曰先帝天馬玉花驃盡工如山貌不同又觀畫馬圖引曰

曾貌先帝照夜白又徒步想見真龍如此筆歸行曰須公櫪上追風驃

蒺藜沙晚草迷川

丹青引曰斯須九重真龍
出

歎此物理役於涉草荒涼之地蒺藜蓋同州
沙苑監所出本草所謂生馮翊平澤或道傍

杜詩沙晚鵲鵲寒

明窓槃礴萬物表寫出入間真乘黃邂逅今

身猶姓李可非前世江都王

畫史槃礴見上
註老杜觀畫馬

圖引曰國初已來畫鞍馬神妙獨數江都王
將軍得名三十載人間又見真乘黃按名畫

記江都王緒霍王元軌之子伯時與王皆
李姓王維詩曰夙世謬詞客前生應盡師

姨母李夫人墨竹二首

米芾畫史云朝
議大夫王之才

妻南昌縣君李氏尚書公擇之妹能臨
松竹木石等畫見本即為之卒難辨山

谷蓋公
擇甥也

深閨靜几試筆墨白頭腕中百斛力老杜詩

斛力兩榮榮枯枯皆本色懸之高堂風動壁選文

魏都賦曰英辨榮枯又顏延年詩俛仰見榮枯唐書柳仲郢傳曰醫有本色官老杜山水

圖歌曰桂君高堂之素壁張彥遠畫記言僧宗偃畫樹石曰重質隱地清飈滿堂此言風

動壁亦無用李益竹窓聞風詩開門風動竹之意。文選阮嗣宗詩回風吹四壁

小竹扶疎大竹枯筆端真有造化鑪漢書司

賦曰垂條扶疎後漢五行志桓帝初童謠曰小麥青青大麥枯此用其語律韓詩外傳曰

避文士之筆端老杜詩勝決風塵際功安造化鑪按莊子曰今一以天地為大鑪造化為

大人間俗氣一點無徒婦果勝大丈夫退之王仲

舒墓誌曰公所為文章無世俗氣僧貫休東林詩詩曰田地更無塵一點古樂府隴西行

曰健婦持門戶勝一大丈夫
○老杜詩縱有健婦把鋤犁

次韻子瞻子由題憇寂圖二首任氏舊註元無

此詩但存其目爾今以楊氏補註增入

松舍風雨石當瘦法窟寂寥僧定時楊曰圖覺經曰

定窟禪李侯有句不肯吐淡墨寫出無聲詩補註

詩意謂伯時寄詩於畫用東坡韓幹丹青不語詩之意

龍眠不似虎頭癡補註伯時自號龍眠居士顧愷之小字虎頭時稱癡

絕東坡詩誰知癡虎頭揚曰山谷題伯時憇

寂圖云或言子瞻目伯時為前身畫流師俗

人不領便是語病伯時一丘一壑不減古筆

人誰當作此癡計子瞻此語是真相知

妙天機可並時楊曰杜詩劉侯天機精愛畫

山水平遠雲勢石色繪工以為天機所到學

者不及補註吳沈友善屬文有口辯無武事

時言其筆之妙蘇仙漱墨作蒼石應解種花

開此詩補註借用仙傳蘇

山谷內集詩註卷第九

山谷內集詩註卷第十

次韻答曹子方雜言

酺池寺湯餅一齋孟曲肱懶著書

寰宇記曰酺池在開

封府浚儀縣西北古大梁城內梁孝王作按浚儀後更名祥符東哲餅賦曰充虛解戰湯

餅為最時山谷持戒律甚嚴故有齋孟之句

曲肱用邊韶畫眠意史記虞卿傳曰非窮愁

亦不能著書○論語飯蔬食飲騎馬天津看

水曲肱而枕之樂亦在其中矣

近水滿船風月憶江湖

按東京記崇濟坊西有天津橋南朱雀

門與宣德門相直此詩云天津蓋唐之洛都

有天津橋因借用爾○傳燈錄船子和尚詩

云滿船空往時盡醉吟卿酒侍兒琵琶春風

載月明歸

手

冷卿如因話錄以祠部為水廳老杜以廣文為冷官之類以下句考之謂光祿卿也

按實錄元祐三年七月文又為光祿少卿及

蓋潞公之子此詩所指豈其人耶漢書爰盎

傳註曰侍兒婢也王介甫明妃曲曰黃金捍

撥春風手豫章外集又有和子方雜言亦及

此事或云竹間一夜鳥聲春明朝醉起雪塞

冷姓也

門鳥聲春謂琵琶啄木聲也錄異傳曰大雪

文除洛陽令至袁安門無有行路退之詩

藍田十月當年聞說冷卿客黃須鄴下曹將

至塞關

軍魏志任城威王彰太祖之子大破烏丸歸

功諸將太祖喜持彰鬚曰黃鬚兒竟大奇

也老杜有觀曹將軍畫馬圖引此借用○挽

曹植居鄴下一時從其游者名鄴下之學

弓石八不好武讀書卧看三峯雲

唐書張弘靖傳士挽

兩石弓左傳顏高之弓六鈞註云六鈞百八十斤老杜詩挽弓當挽強又詩將軍不好武

雅子總能又蘇子美詩卧看青天行白誰憐雲華山記云其三峯直上晴霽可觀

相逢十載後釜裏生魚甌生塵相逢之詩樽酒

我為壯夫君白首後漢書范丹字史雲為萊蕪長所止單陋有時絕粒窮居自若閭里歌

之曰甌中生塵范史冷卿白首太官寺樽前雲釜中生魚范萊蕪

不復如花人按通典太官掌百宮之饌屬光祿卿太白詩金屏笑坐如花人

曹將軍江湖之上可相忘春鋤對立鴛鴦雙

無機與游不亂行何時解纓濯滄浪莊子曰魚相忘

於江湖爾雅曰鴛春鋤文選江淹擬張綽詩曰疊疊玄思清霄中去機巧物我俱忘懷可

以狎鷗鳥蓋用列子事莊子山木篇曰孔子
逃於大澤入獸不亂羣入鳥不亂行濯纓見

上註喚取張侯來平章烹茶煮餅坐僧房張侯

張仲謀言欲與之共往僧房商略歸計也按
外集有送曹子方無簡張仲謀詩唐書郭正

一傳曰平章事自正一等始此
借用其字老杜詩隨意宿僧房

次韻子瞻和王子立風雨敗書屋有感

王適字子立蘇子
由齊從其婦翁學

婦翁不可極王郎非嬌客後漢第五倫傳光

為吏第婦翁寧有之耶魏志武帝紀今日第
五伯魚三娶孤女謂之過婦翁按今俗間以

嬌翁為十年為從學苦淡共陞厄漢書叔孫通

陞下攻苦食淡左傳曰困窮陘厄燕雀虫鴻漸犬羊睨麟獲

此以下指子由漢書陳勝傳曰燕雀安知鴻鵠之志易曰鴻漸于木春秋哀公十四年西

狩獲麟遇逢涇渭分昨夢春冰釋見上註○東

坡亦有此詩釋字韻云我琴終平生五車書

才吐二三策莊子曰惠施多方其書已作謗

薰天金朱果何益子由在壹諫數論事不為

薰天按楊雄甘泉賦曰燎薰皇天此借用其字法言曰紆朱懷金之樂不如顏氏子之樂

君窮一窻下風雨更削跡此以下述子立莊

吾再逐於魯伐木於宋詩工知學進詞苦見

削跡於衛又見盜跖篇

意迫

庾信哀江南賦序曰不無俗情傲秦贅

婦舍不煖席

漢書賈誼傳曰秦人家貧子壯則出贅老杜詩倚著如秦贅淮

南子曰墨突不暇

南冶從東家不聞被嘲劇

魯論南容三復白圭孔子以其兄之子妻之

又曰子謂公冶長可妻也以其子妻之東家

師儒並世難日月過箭疾

周禮天官曰師以賢得民儒以道得

民史記仲尼弟子列傳曰孔子數稱藏文仲

抑下惠然皆後之不並世樂天詩年光同激

後漢

敵過箭疾破

公今未有田把筆耕六籍

班超

傳註曰安能

久事筆耕乎

嘲小德

中年舉兒子漫種老生涯

晉書王羲之傳謝安曰中年以來傷

於哀樂史記孟嘗君傳曰君所以不學語轉

春鳥塗窓行暮鴉

一作學語春蟲聒書窓秋

兒前年學語時樂府柳顧言陽春歌曰春鳥

一轉有千聲按周禮羅氏仲春羅春鳥劉禹

錫詩小兒算筆不能嗔浣壁書窓且賞勤盧

仝示添丁云忽來案上翻墨汁塗林詩書如

老鴉行音欲嗔王母惜稍慧女兄誇之姚為

胡剛反王母時山谷解著潜夫論不妨無外家待渠

母夫人無恙能小艇伴我釣煙沙○後漢王符傳曰安宅

俗鄙庶孽而符無外家為鄉人所賤隱居著

書以譏當世失得不欲章
顯其名故號曰潛夫論

戲答張秘監饋羊

細肋柔毛飽卧沙煩公遣騎送寒家同州沙苑監有

佳羊俗謂之細肋卧沙曲禮羊曰柔毛老社詩大官喜我來遠騎問所須○文選魏文帝

書曰今遣騎到鄴世說忍令無罪充庖宰留王經母曰汝本寒家子

與兒童駕小車孟子曰若無罪而苑死地則牛羊何擇焉韓孟鷗雞聯句

曰義肉恥庖宰晉書衛玠傳摠角乘羊車入市見者以為玉人漢書車千秋傳朝見得乘

小車○法華經矢宅喻長者語其子有鹿車羊車大白羊車

戲答王定國題門兩絕句

非復三五少年日把酒償春頰生紅

撫言薛逢語新

進士曰老婆三五少年時也曾東塗西抹來
退之嘲少年曰直把春償酒都將命乞花○

又華山女云白白鷗入群頗相委不謂驚起

來賓鴻莊子曰入獸不亂羣委謂諳識也世
說司馬徽人有姿認徽緒者退之與

柳中丞書亦曰與賤不相諳委禮記月令季
秋鴻鴈來負此句當是山谷往見定國不遇

而姬妾有避之者
來鴻或是其名字

頗知歌舞無窮鑿我心塊然如帝江

山海經曰天山

有神狀如黃囊赤如丹火六足四翼渾沌無
面目是識歌舞實惟帝江或作鴻江也莊子

彫琢復撲塊然獨以其形立花裏雄蜂雌蛟

蝶同時本自不作雙

李義山柳枝詞曰花房與蜜脾蜂雄蛺蝶雌同

時不同類那復更相思老杜詩並帶笑
蓉本自雙此反其意小作雙見上註

清人怨戲效徐庾慢體三首

秋水無言度荷花稱意紅

選詩曰涉江采芙蓉王介甫詩荷花

稱意紅按漢書倪

主人敬愛客催喚出房籠

寬傳奏事和意

選詩云公子敬愛客終宴不知疲老杜詩遣
人向市賒香粳喚婦出房親自饌梁元帝巫

山詩無因謝神

一斛明珠曲何時落塞鴻

一斛

女一為出房籠
珠見上註禮記曰歌者繫紵乎端
如貫珠鮑照京洛篇霜歌落塞鴻

莫藏春筍

手且為剥蓮蓬

杜牧之微吟曰散子巡巡裏
手拈無因得見玉纖纖東坡

樂府曰指尖
露春筍纖長

翡翠釵梁碧石榴裙方隙光斜斗帳香字冷薰
更信蕩子賦珮珠

府黃門歌曰點黛方隙光斜斗帳香字冷薰
初月縫裙學石榴

籠須床又吳融愁聞怨曰斜光隱西壁
樂府魏收永世樂曰綺窓斜影入上客酒

上南枝又長樂歌曰紅羅復斗帳四角垂明
璫香字謂香篆薰籠見上註王建宮詞曰紅

顏未老恩先斷斜聞道西飛燕將隨北固鴻
倚薰籠坐到明

古樂府曰東飛伯勞西飛燕黃姑阿母時相
見江樓歌南飛鳥鵲北飛鴻弄玉蘭香時會

同按實字記北固山在潤州丹徒
懸北此云北固鵲未詳恐字誤
鴛鴦會獨

宿風雨打船蓬
終上句之意東山詩我彼獨
宿老杜詩雨來雷席上風急

打船頭杜牧之詩春半平江兩圓多破蜀羅
聲眠蓬底客寒過釣來蓑。老杜詩合歡尚

不知時驚驚
不獨宿

障羞羅袂薄承汗領巾紅南史劉瑀傳曰羞面見人扇障何益

王臺新詠雜詩曰舉袖且障羞面方言曰帟袿

謂之被巾註云婦人領巾○晚風斜蔓髮逸

退之詩白布長衫紫領巾如蔓註蔓螫虫

艷照窻籠也都人士詩曰卷髮如蔓髮末曲上卷

然文選鮑照詩娥眉胡琴抱明月寶瑟陣歸

鴻破撥生胡風言其善琵琶也此借用文選
沈休文詩曰象筵鳴寶瑟劉禹錫傷秦妹行
言其善箏曰玫瑰寶柱秋鴈行按瑟亦有柱

文中子謂膠柱調瑟是也倚壁生蛛網年光如轉蓬瑟久琴

不御也文選江淹擬張司空詩曰蘭徑少行

迹玉臺生網絲淮南子曰聖人觀轉蓬而為

車此借用以言年運而往如

車後之轉傷義人之健暮也

呈外舅孫莘老二首

九陌黃塵烏帽底五湖春水白鷗前三輔舊

女城中八街九陌退之詩子雲祗自守奚事

九衢塵又詩雖有九陌無塵埃樂府讀曲歌

曰不知烏帽郎是誰越語曰范蠡遂乘輕舟

以浮於五湖老杜詩時危兵甲黃塵裏日短

江湖白髮前此扁舟不為鱸魚去收取聲名

四十年

晉書張翰傳齊王問辟為掾因見秋風起乃思吳中菰菜蓴羹鱸魚膾曰

人生貴得適志何能羈宦數千里以要名爵乎遂命駕而歸俄而回敗人謂見幾老杜詩

夫子獲聲名又贈鄭
皮詩才名四十年

璧社湖中有明月淮南草木借光輝
沈存中筆談曰

嘉祐中揚州有一珠甚大天晦多見初出于
天長縣陂澤中後轉入璧社湖後又在新開

湖中九十餘年居民行人常常見之珠大如
拳爛然不可正視十餘里間林木皆有影如

日初照此詩引用以比華老按華老高郵軍
人高郵本屬揚州云漢書鄒陽傳曰明月之

珠夜光故應部蚌登王府不若行沙弄夕霏

用莊子龜寧曳尾之意蜀志秦宓奏記曰刻
蚌求珠周禮卿大夫曰登于天府又天府掌

共王之佩玉珠玉書曰王府則有歐公鸚鵡
螺詩曰紅螺行沙夜生光又曰一螺千金價

誰量豈若泥下追舍衆文選謝靈運
詩曰雲霞收夕霏李善註霏日氣也

以天壇靈壽杖送辛老

王屋千霜老紫藤扶公休沐對親朋異時駟

馬安車去拄到天壇願力能

王屋山在絳州垣曲縣千霜謂

經千歲之星霜老杜詩三霜楚戶砧禮記大

夫七十而致仕適四方乘安車自稱曰老夫

老杜詩云安得仙人九節杖到王女洗頭

盆太白寄王屋山人孟大融詩曰願隨夫子

天壇上閑與仙人掃落花圓覺經曰皆依無

戲荅俞清老道人寒夜三首

王立之詩

金華俞清老字子中二十年前與余共

學於淮南元豐甲子相見於廣陵自云

荆公欲使之脫逢掖著僧伽黎奉香火

於半山寺予之僧名紫琳字清老無妻

子之累云去作半山道人似不為難事

然生龜脫筒亦難堪忍後數年見之儒

冠自若也因嘗戲和清老詩云云按山

谷跋此詩云子瞻屢哦此詩以為妙也

索索葉自雨月寒遙夜闌

樂天詩乾葉不待黃索索飛下來又

云葉聲落如雨月色白似霜楚詞曰觀抄秋

之遙夜老杜詩夜闌更秉燭○雨當如春秋

雨蠶之雨從去聲非葉聲落如雨故

前輩論深院無人杏花雨非四雨數

馬嘶車

鐸鳴群動不遑安

晉書荀勗傳逢趙賈人牛鐸識其聲謂明時日日入

羣動息文選束皙南
有人夢超俗去髮脫儒

冠平明視清鏡政爾良獨難言其未能忘形

退之詩猶思脫儒冠又詩脫冠翦頭後項羽

傳平明漢軍乃覺之樂天詩晨興照清鏡形

影兩寂寞曹子建集怨
歌行曰為臣良獨難

聞道一稊米出身縛簪纓莊子河伯曰聞道百以為莫己若者

我之謂也又北海若曰計四海之在天地不

以稊米之在太倉乎音義曰小米也一日稊

草也北山移文曰今見解蘭縛懷我伐木友

寒衾夢丁丁伐木丁丁富貴但如此百年半

曲肱退之詩人生但如此朱紫安足惜下早

山谷內集下
九

晚相隨去松根有伏苓

唐趙蝦詩早晚粗酬身事了水邊歸去一

閑人老杜詩如子松根長伏苓遲暮有意來同煮

牧羊金華山早通玉帝籍

神仙傳曰皇初平年十五家使牧羊

有道士將至金華四十餘年其兄初起見之

問羊何在初平叱白石皆起成羊數萬頭皇

字他書或作黃山谷先世居金華故云漢元

帝紀令從官給事宮司馬中者得為大父母

父母兄弟通籍樂天詩但恐長生須有至今

籍仙臺試為檢名看口漢書通籍金閨

風低草觝觝見白石

樂府敕勒歌曰天蒼蒼野茫茫風吹草低見牛

羊無羊詩曰爾羊來思其角觝觝音阻立反角堅兒亦作戢

金華風煙下

亦有君履迹何為紅塵裏額鬚欲雪白

金華屬婺

州清老亦金華人班婕妤賦曰思君子履綦

註云綦履迹也西都賦曰紅塵四合樂天詩

滿額白 鬢鬚 秘書省冬夜宿直寄懷李德素

山谷有題薛醇

老家李西臺書云德素寄城李窠也浮

沉放俗操行如古人往往時隱龍眠山駕

曲肱驚夢寒皎皎入牖下

文選古詩明月何皎皎又詩安寢北

堂下明月

我牖 出門問何祥岑寂省中夜

左氏僖十六年

傳隕石于宋五六鷄退飛過宋都宋襄公曰

是何祥也吉凶焉在文選舞鶴賦去帝鄉之

本為禁中孝元皇后父名禁改曰省中

姮

娥携青女一笑粲萬瓦李商隱詩青女素娥俱耐冷月中霜裏闌

嬋娟玉充論衡曰羿請不死之藥於西王母羿妻姮娥竊以奔月託身於月是為蟾蜍淮

南子曰至秋三月青女乃出降以雪霜註曰青女天神青嫫玉女主霜雪也穀梁傳曰軍人粲然皆笑註云粲然盛笑兒宋景文筆記

云粲明也知萬衆皆啓齒齒既白以粲義包

之懷我金玉人幽獨秉大雅晉書王戎傳戎目山濤如璞王

渾金人皆歎其寶莫知名其器楚古來絕朱

弦蓋為知音者註見上同床有不察而况子在

野文選張華女史箴曰苟違斯義則同衾以

猶不識察况遠外乎山谷作羅漢貧又曰我觀閻浮提衆生同床猜忌若冰炭史記田叔

傳曰田仁與任安二人獨立占少微長懷何

由寫魯論曰他日又獨立隋書天文志少微四星在太微西士大夫之位也一名處

士明大而黃則賢士舉楚詞曰情慨慨而長懷文選張茂先詩寫心出中誠慨

歲寒知松栢魯論曰歲寒然後知松栢之後凋也

群陰彫品物松栢尚桓桓易曰品物流形書曰易哉夫子尚桓桓

桓註云桓桓武貌老去惟心在相依到歲寒文選陸機演連

珠曰勁陰殺節不彫寒木之霜嚴御史府兩

立大夫官漢書朱傳為御史大夫其府列栢樹崔篆御史箴曰簡上霜凝筆端

風起文選肅明曰騁羽則嚴霜夏彫應劭漢官儀泰始皇封太山逢暴雨賴得抱樹因封

山公集

其樹爲五大夫松史記滑稽傳優犧象溝中
施曰陸楮郎汝雖長何益幸雨立

斷微弦爨下殘莊子曰百年之木波爲犧尊

惡有間矣其於失性一也左傳曰犧象不出
門謂犧尊象尊也後漢蔡邕傳吳人有燒桐

以爨者邕聞火烈之聲知其良木請而爲琴
時號焦尾琴晉書陶潛傳畜素琴一張絃微

不具莊子曰純樸不殘孰爲犧尊○退之木
居士詩爲神詐比溝中斷遇賞還同爨下餘

光陰一鳥過翦伐萬牛難文選別賦曰明月

牧之詩長空碧杳杳萬古一飛鳥選詩人生

瀛海內忽忘鳥過自老杜詩身輕一鳥過甘
棠詩曰勿翦勿伐老杜古栢行大春日輝桃

李蒼顏亦豫觀言老成坐閱新進也太白詩
松栢本孤直難爲桃李顏

公醉翁亭記曰蒼顏
自髮頽然乎其間

東觀讀未見書

後漢黃香傳京師號曰
天下無雙江夏黃童肅

宗詔香詣東觀
讀所未嘗見書

漢規群王府東觀近宸居

穆天子傳曰羣王
山先王之所謂策

府通典曰後漢圖書在東觀按和帝記永元
十三年辛東觀覽書林閱篇籍文選曰景屬

宸居漢書東方朔詔許無雙士來觀未見書
傳曰今規以為苑

見題皇文開萬卷家學陋三餘

魏啓曰董遇
字季真善左

氏傳從學者云苦渴無日遇言當以三餘或
問三餘之意遇言冬者歲之餘夜者日之餘

陰雨者又竹帛森延閣星辰繞直廬

文選曹
子建求

自試表曰名稱書於竹帛李善註字出墨子
 漢書藝文志註引七啓曰內則有延閣廣內
 祕室之府外則有太常太史博士之藏老杜
 詩聽履上星辰又云乾坤繞漢宮西都賦曰
 周廬千列註諸生起孤賤天子自吹噓後漢
 云直宿云廬傳相者曰祭酒布衣諸生耳而當封侯萬里
 之外黃香上疏曰江淹孤賤愚蒙小生老杜
 詩唯待吹噓送上天漢魏志鄭渾曰孔公緒
 能清談高論噓枯吹生○柳子厚詩雲風相
 吹願以多聞力論思補帝裾說命曰王人求
 班固西都賦序曰朝夕論思日月獻納補帝
 裾用補袞意魏志辛毗傳言冀州民不可徒
 帝不荅起入內毗隨而
 引其裾此借用其字

被褐懷珠玉

文選阮籍諫懷詩曰被褐
 懷珠玉顏閔相與期按家

語子路問孔子曰有人於此被褐而懷
主何如孔子曰國無道可也國有道則
衮冕而執王

國士懷珠玉通津不易扛國士見史記豫讓

慎之至也禮記曰執王不趨又曰受珠玉者以掬淵明詩彈冠棄通津但懼時我遺櫝

藏心有待褐短義難降子貢曰有義玉於斯

而沽諸子曰沽之哉沽之哉我待賈者也義難降言不可屈○孟子雖褐寬博吾不憊焉

寧戚歌短布寶唾歸青簡晴虹貫夜窓薛孟

單衣長止聯句曰寶唾拾未盡按後漢趙壹傳曰教唾

自成珠又吳祐傳父恢守南海欲殺青簡以
寫經書禮記曰君子於直言方按劍豈是故
玉比德氣如白虹天也

迷邦

按劍見上註魯論陽貨謂孔子彈雀輕

千仞連城買一雙

莊子曰以隋侯之珠彈千

連城既為往荆王以真還謂秦以十五城易

一雙安知籃縷底明月弄寒江

左傳曰莫敖筭

林明月珠見上註漢志曰日月如合璧並

款塞來享

元祐三年夏人遣使謝封冊

款塞來享註云叩

前朝夏州守來款塞門西

五代史李仁福傳

思敬者為夏州偏將後以與破黃巢功賜姓

卒子葬昌立葵昌為其將所殺軍中迎仁福

立之不知其於思諫為親疎也其子葵超葵

興繼立世有夏金綏宥靜等五州之也至聖

元祐元年夏國主秉常卒子乾順承襲

主敷文德降書付狄鞬書曰帝乃誕敷文德

有世格禮記王制曰西方曰狄鞬知也檀裘瞻日月

務面帶金犀史記燕人致海裘狗

卒舉國號哭或至黎面流血註云黎叩勞割

也音力反此借用以言祈哀請命漢書匈奴

奴傳文帝遺單于黃金犀毗一註云要中大

帶也○法言被我純繪帶我金犀不亦享乎

陞開千羽邊亭息鼓鼙千羽見上永輸量谷馬不作

鼓邊亭樂記曰君子聚鼓

輦之聲則思將帥之臣

觸藩羝

史記貨殖傳曰至用公量牛馬此借用以言夏人入貢易大壯卦曰羝羊

觸藩羸其角此借用以言不犯塞

聲勢常相倚今聞定五溪

退之平淮西碑曰九叛有數聲勢相倚吾強不支女弱奚恃定五溪謂南夷底定也後漢

馬接傳劉尚擊武陵五溪蠻夷註云武陵有五溪謂雄溪瀘溪西溪撫溪辰溪

憶邢惇夫

惇夫本末具上註有呻吟集行於世東坡云惇夫自為童

子所與交皆諸公長者百不一見遂與草木共盡

詩到隨州更老成江山為助筆縱橫

惇夫父恕為起

居舍人坐教高公繪為書忤太后意元祐元年正月謫知隨州惇夫侍焉老杜詩毫髮無

遺恨波瀾獨老成唐書張說傳謫岳州而詩益悽惋人謂得江山助云老杜詩凌雲健筆

意縱

眼看白璧埋黃壤何況人間父子情

晉書

庾亮傳討蔡何充數曰埋王樹於土中使人情何能已世說註王愆期謂陶侃曰賢子越

騎酷沒天為公痛心况茲父情耶漢書張禹傳曰不勝父子私情

次韻秦少章晁適道贈答詩

二子論文地陰風雪塞廬

後漢袁安傳註曰大雪積地洛陽令

至袁安門無有行路退之詩藍田十月雪塞關

寧穿東郭履不遺子

公書

史記滑稽傳東郭先生貧困飢寒行雪中履有上無下足盡踐地莊子曰衣敝

履穿漢書陳萬年傳子咸子陳湯書曰即蒙子公力得入於帝城死不恨也

士固

難推挽時聞有詔除之

上句用鄭當時推轂士意退之誌云無相知

山火如身

十五

有氣力得位者推挽漢書谷永曰免不正之

詔除劉禹錫詩金門通籍真多士黃紙除書

每日聞○左傳襄十四年臧武仲見衛侯曰

二子者或輓之或推之欲無人得乎又晉書

鄧侯挽不來謝公推負暄真得計獻御恐成

不去蓋參而用之

踈列子曰宋有田父墮春東作自曝於日顧

請其妻曰負日之暄獻之吾君將有重賞

莊子曰於魚得計退之詩

食芹雖云美獻御固已癡

次韻答秦少章乞酒

朝事鞍馬早吏曹文墨拘文選鮑明遠詩曰晏罷朝歸鞍馬

塞衢路瀏公幹詩曰職事相填委文墨紛消

散漢書司馬相如傳曰豈特委瑣齷齪拘文

俗初無尺寸補但於朋友踈漢書李廣傳曰

終無尺寸功諸

葛豐傳曰獨恐未有云補魯
論曰朋友數斯疏矣此借用
豈如簞路

起一床書節牧羊卧起操持寒山子詩曰家

中何所見惟炙背道堯舜雪屋相與娛文選

絕交書曰野人有快炙背而美芹子者欲獻

之至尊註引列子曰宋有田父負日之暄云

云孟子道性善步出城東門野鳥吟廢墟梁

言必稱堯舜步出城東門野鳥吟廢墟南

吟曰步出齊東門遙望蕩陰頗知富貴事勢

里里中有三墳累正相似

窮心亦舒因見廢墟知富貴之不可常故雖

傳曰吾操鏹以入於富貴之家有年矣有一

至者焉又往過之則為墟矣又曰雖勞無愧

吾心安焉楚辭哀郢曰聊以舒詩來獻窮狀

吾憂心老杜詩坦然心神舒

水餅嚼冰蔬左傳曰晉文公使曹人獻狀南

設上焉斗酒得醉否枵腹如瓠壺漢書楊惲傳

斗酒自勞老杜詩百年渾得醉莊子曰魏王

大瓠之種非不号然大也音義曰虛大曰号

瓠壺見上註亦可召西舍侯羸非搏徒史記魏公

魏有隱士曰侯羸年七十家貧為大梁夷門

監者公子從車騎虛左自迎侯生又曰公子

聞趙有處士毛公藏於博徒蔣公藏於賣

山谷內集詩註卷第十

山谷內集詩註卷第十一

頤軒詩六首

并序

高君素作頤軒請予賦詩予爲說其義曰
在易之頤觀頤自求口實觀其自養也單豹巖
其所養也自求口實觀其自養也單豹巖
棲谷飲有孺子之色而虎攻其外張毅擎
蹠曲拳養人間之譽而疾攻其內養虎者
不以全物與之牧羊者去其敗羣視其後
者而鞭之養鷹者飢之是謂觀其所養盡

物之性也庖丁不以肯綮嬰其解牛之刀
病僂丈人不以萬物易蜩之翼匹夫之志
不可奪於三軍之帥是謂觀其自養盡已
之性也詩云如切如磋如琢如磨求盡性
而已君素樂善能貧將求學問日新之功
故作頤軒以養其正吉乃以觀頤自求口
實六字作詩以勸戒之

金石不隨波松竹知歲寒真此芸芸境回向

自心觀

王充論衡曰湍瀨之迴沙轉石而大石不動者是石重而沙輕大儒俗吏

並在世俗有似於此魯論曰歲寒然後知松栢之後彫也老子曰夫物芸芸各歸其根華

嚴經有十回向老杜詩回向心地初四十二章經曰斷去欲愛識自心源

知足是靈龜無厭乃朶頤虛心萬物表寒暑

自四時老子曰知足不辱易頤之初九曰舍爾靈龜觀我朶頤凶註云朶頤者嚼

也居養賢之世不能貞其所履以全其德而舍其靈龜之明兆羨我朶頤而躁求凶莫甚焉

老子又曰虛其心實其腹魯論曰天何言哉四時行焉百物生焉

無外一精明六合同出自公能知本原佛亦

不相似楞嚴偈曰諸幻成無性六根亦如是元依一精明分成六和合一處成休

復方用皆不成傳燈錄永嘉證道歌曰本源自性天真佛又雲居禪師曰若是思大佛亦

不作又南陽忠國師廣語云僧問既無纖毫
可得名無何物師曰日本無名字曰還有相似

者否師曰無相似
昔世号無比獨尊

辱莫辱多欲樂莫樂無求人生強學耳萬古

一東流楚辭曰悲莫悲兮生別離樂莫樂兮

強學以待問老杜詩不廢江河萬古流此借

用其字言逝川之速如此不可不惜日也杜

牧之詩萬古一飛鳥
樞機要義遲飲食戒味厚漁人溺於波君子

溺於口易曰言行君子之樞機樞機之發榮

之大象曰君子以慎言語節飲食故此句及
之禮記曰小人溺於水君子溺於口大人溺

於民皆在其所褻也此詩舊本云小人溺於水君子溺於口古來犯時幾惟此沒梁斗技秦再思紀異錄曰高駢命酒佐薛濤改一字令駢曰口有似沒梁斗濤曰川有似三條椽涇流不濁渭種桃無李實養心去塵緣光明生虛室谷風詩曰涇以渭濁湜湜其止傳云涇渭相入而清濁異箋云涇水以有渭故見渭濁湜湜是持正免俗諺曰種李不成挑種禾不生豆近世圓悟禪師克勤嘗以此兩語作頌孟子曰養心莫善於寡欲圓覺經曰妄認四大為自身相六塵緣影為自心相又曰此虛安心若無六塵則不能有四大本解無塵可得於中緣塵各歸散滅畢竟無有緣心可見莊子曰虛室生白

寺齋睡起二首

小黠大癡螳捕蟬有餘不足變憐蜺退之送窮文曰

驅我令去小黠大癡莊子曰莊周觀異鵲執彈而留之觀一蟬方得美蔭而忘其身螳螂

執翳而搏之見得而忘其形異鵲從而利之見利而忘其真又曰變憐蜺蜺憐蛇蛇憐風

風憐目目憐心音義云變一足獸蜺馬蜺蜺多足詩意謂巧詐之相傾智愚之相角與此

數兵何異得失竟安在哉老退食歸來北窓子有餘者損之不足者補之

夢一江風月趁漁船羔羊詩曰自公退食北窓

寫望詩曰最愛蘆花經雨後一蓬煙火飯漁船○東坡樂府一竿風月釣江湖

桃李無言一再風黃鸝惟見綠忽忽桃李一再經風

無復顏色紅紫事退遽成綠陰意謂卒卒京塵中未嘗得細見春物也漢書李廣贊曰桃

李不言下自成蹊漢書司人言九事八為律

儻有江船吾欲東

漢書主父偃傳曰所言九

祖曰吾亦欲東耳安能鬱鬱久居此乎此皆

借用謂世途狹隘動觸法令寧自放於江海

也退之詩法吏多少年磨淬出角主將舉汝

○左傳襄十五

年○余馬首欲東

記夢洪駒父詩話曰予嘗聞山谷云此

妓女遊某寺酒闌諸妓皆散入僧房中

主人不怪也故有曉然夢之非紛紜之

語僧慧洪冷齋夜話以為山谷元祐初

畫卧酺池寺夢與一道士游蓬萊覺而

作此詩頃與余同宿湘江舟

中親為言之兩說未知孰是

衆真絕妙擁靈君曉然夢之非紛紛真話真

云興寧三年衆真降楊義家漢書公孫弘傳

日愚心曉然見治道之可以行也夢紛紛見

上註窻中遠山是眉黛席上榴花皆無裙文選

暉詩曰窻中列遠岫西京雜記曰文君姣好

眉已如望遠山樂府黃門倡曰佳人俱絕世

握手上一春機點黛方借問琵琶得聞否靈君

初月縫裙學石榴

色莊妓搖手文選曹子建樂府云借問誰家

且使妾搖手不得僧慧洪冷齋夜話曰山谷

夢有兩玉人導升殿主者衣絳衣仙女擁侍

中有一女方整琵琶山谷極愛其風韻顧之

忘揖主者主者色莊故其詩曰試問琵琶可

聞否靈君色莊妓搖手今山谷集語不同蓋

復更易之耳○李靖謂越國公楊素有妓執

紅拂立於前是夕妓遂奔靖靖將歸太原行
次靈石旅舍妓方理髮髮長委地有蚪鬚客
乘驢而來投革囊於前取梳歌曰看妓埋髮
靖方刷馬怒甚未決妓熟觀其面一手握髮
一手映身搖示靖令勿怒急梳頭拜兩客爭
客以兄呼之見太平廣記此借用

棋爛斧柯一兒壞局君不呵述真記晉王質

伐木見數童奕碁而歌俄頃謂質曰何不去
質起視斧柯爛盡既復歸無復時人矣亦見

水經漸江水註魏志王粲傳觀人圍碁局壞
粲為覆之漢書李廣傳霸陵尉醉呵止廣

杏梁歸燕語空尋奈此雲窓霧閣何司馬相

賦曰飾文杏以為梁樂不入詩翩翩兩玄鳥本
是雙飛燕彼矜杏梁貴此嗟茅棟賤退之華

山女詩云雲窓霧閣事恍惚重重
翠幔深金屏樂府有燕歸梁之名

同元明過洪福寺戲題

洪福僧園拂紺紗舊題塵壁似昏鴉

洪福在汴京東

妓詩曰王仙洪福花如海撫言王播詩曰三十

年前塵撲面如今始得碧紗籠法書苑曰

春殘已是風和雨

更著游人撼落花

舊本有山谷序云三月中

寺見元明壁間舊題云與晉之醉後使騎升木撼花以為笑戲題樂天詩颯颯風和雨

戲荅晁深道乞消梅二首

王立之詩話云消梅京師

有之不以為貴因余摘遺山谷山谷作數絕遂名振于長安晁深之字深道後

改名詠之字知道

青莎徑裏香未乾黃鳥陰中實已團

驚物化之速也

唐人劉滄詩莎徑晚煙凝竹

蒸豆作烏鹽作

白屬聞丹杏薦牙盤

齊民要術有作白梅與作烏梅法此用其字今

人作糖梅雜以蒸豆取其色黑圖經本草梅實條日以鹽殺白梅入藥用漢書谷永傳曰

蜀聞以特進領城門兵註云屬近也音之欲反退之李花詩曰冰盤夏薦碧實脆盧氏雜

說曰御廚進饌用九釘食以牙盤九枚裝食味於其間詩意謂當梅實槁時失性之時丹

杏方蒙獻御之寵與老成屏棄而新進見用何異哉

北客未嘗眉自顰南人誇說齒生津

筆談載沈存中

茶詩云誰把嫩香名雀舌定知北客未曾嘗按唐獨孤及有招北客文世說曰南人學

問如燭中見日顰眉謂梅酸使人攢眉也世
說又載魏武帝行失道三軍皆渴帝令曰前
有大梅林饒子甘酸可以磨錢和蜜誰能許
解渴士卒聞之口皆水出磨錢和蜜誰能
去蒂供鹽亦可人今人漬蜜梅法磨一二銅
許謂寒家不辦此也漢書食貨志曰或盜摩
錢質而取銘蜀志費禕傳曰君信可人必能
辨賊者也字出禮記
此借用謂恍可人意

以梅饋晁深道戲贈二首

帶葉連枝摘未殘依稀茶塢竹籬間

陸羽顧渚山記

日漫石塢巨石中生紫茗赭石塢生卷茶

相如病渴應須此莫與

文君感遠山

相如遠山及魏武事並見上註感遠山即前詩顰眉之意

渴夢吞江起解顏詩成有味齒牙間

唐文粹有何諷

夢渴賦曰奔九江走五湖手不暇於幹運心

不怠於躊躇吳都賦曰或吞江而納漢列子

曰老商始一解顏而笑漢書鄭當時傳曰誠

有味乎其言也叔孫通傳曰何足置齒牙間

哉前身鄴下劉公幹今日江南庾子山

詩成之意文選謝靈運擬魏太子鄴中集有

劉楨詩按魏志王粲傳劉楨字公幹魏文帝

與吳質書曰公幹五言詩妙絕當時梁江淹

雜體詩序曰關西鄴下既已早同河外江南

頗為異法北史文苑傳庾信字子山事梁與

徐陵並為抄撰學士文並綺豔故世號徐庾

體後留長安作哀江南賦○梁顧樞始為縣

吏一夕遇二人稱是王粲餘幹云昔與公同

府公劉楨也仍謂其遺文孫悟以遺文數篇

投今令待之甚厚時謂死劉楨猶庶得生顧

摠見太
平廣記

次韻子實題少章寄寂齋

虛名誤壯夫今古可笑閔

文選古詩曰虛名復何益老杜詩從

來禦魑魅多為才名誤法言曰壯夫不為也退之答崔立之書曰君子小人之所憫笑

屍裹萬里歸書載五車相安知衡門下身與

天地準

後漢馬援傳曰要當以馬牛裹還焚爾莊子曰思施多方其書五車寧

語曰垂橐而往稱載而歸註言重而歸也相

秦也陳詩曰衡門之下可以棲遲註謂橫木

為門言淺陋也繫秦晁兩美士內行頗修謹
辭曰易與天地準
漢書鄭當時傳曰內行
修石奮傳曰馴行孝謹
余欲造之深抽琴去

其軫

退之詩吾欲盈其氣不令見毫悤此用

傳曰孔子南游適楚至於阿谷之隧有處子

佩瑱而浣者孔子抽琴去其軫以授子貢曰

善為之辭以觀其語此

借用以明寄寂之意此寄寂喧閑間此道有

汲引

華子曰冥冥之中獨見曉然無聲之中

視聽而不寄之於寂則有闇昧而不和窮其

原而後能物物山谷蓋用此意○老杜詩學

生有汲引又劉向封事禹稷獄戶聞咎榜市

阜陶轉相汲引不為比周

聲雜嘲

張文選江淹上書曰含憤獄戶漢書

文帝典論曰孔融理不勝詞至乎雜以嘲戲

退之詩亦云初喧或紛爭中靜雜嘲戲○莊

子曰齊桓公輶然二生對曲肱室玉毀石蘊

而笑輶音勑忍反

文選王褒四子講德論曰美王蒞於砥硤人視之佚焉良工砥之然後知其和寶也

小大窮鵬鷖短長見椿槿莊子曰冥海有鳥

太山翼若垂天之雲搏扶搖羊角而上者九萬里絕雲氣負青天然後圖南且適南冥也

斥鷃笑之曰彼且奚適也我鵬躍而上不過數仞而下翱翔蓬蒿之間此亦飛之至而彼

且奚適也此小大之辨也又曰朝菌不知晦朔蟪蛄不知春秋上古有大椿者以八千歲

為春以八千歲為秋音義曰欲聞寂時聲黃

鐘在龍筍

佛鐘雖未擊聲音曆然○楞嚴經曰佛語阿難聲銷無響汝說無聞君

實無聞聞性已滅同于枯木鐘聲更擊汝云何知知有知無自是聲塵或無或有豈彼聞性為汝有無聞實云無誰知無者陸機文賦曰扣寂寞以求音呂氏春秋曰黃鐘宮律之

本也禮記曰夏后氏之龍箴虞韻書箴亦作筍。東坡法雲寺鍾銘曰鳴寂寂時鳴

次韻孫子實寄少游

韻一本云用寄寂齋

高郵軍人

薛宣欲吏雲季氏或招閔

漢書朱雲傳薛宣

宣謂曰在田野亡事且留我東閭可以觀四方奇士雲曰小生迺欲相吏邪宣不敢復言

東坡詩薛宣真欲吏朱雲魯論曰季氏使閔子騫為費宰閔子騫曰善為我辭焉如有復

我者則吾必在彼上此公曾中秋萬物欲收矣註謂重來召我

相此公指少游莊子曰賣藥偶知名草玄非

近準後漢逸民傳韓康字伯休賣藥長安市時有父子從康買藥康守價不移女子

怒曰公是韓伯休耶乃不二價乎康歎曰我本欲避名今小女子皆知有我何用藥為下

句見上草文才難不易得志大略細謹才難不妨準易註

易得皆見魯論史記酈其傳曰舉大事器細謹少游嘗教授蔡州顧官妓婁婉及陶心

兒者詞中往往寄意王立之詩話蔡少巖云少游極怨山谷此句謂言蔡州事少人知者

魯直詩語重人既見士生要弘毅天地為蓋此語逸使吹毛耳

軫魯論曰士不可以不弘毅任重而道遠考軫工記曰蓋之圓也以象天也軫之方也以

象地驥來鹽車驂井下短綆引言賢材難識也

未易汲引也戰國策汙明見春申君曰夫驥之齒至矣服鹽車上大行中坂遷延負轅不

能上伯樂遭之下車攀而哭之解紆衣而羈之於是俯而噴仰而鳴聲造於天欣伯樂之

知已也莊子曰褚小者不可汲深難甘呼爾食聊

寄粲然鞮

孟子曰噤爾而與之行道之人弗受註云噤爾猶呼爾咄啐之貌也

粲然見上註

誰能借前籌還婦用束縵

漢書張良傳臣請借

前箸以籌之退之詩茲道誠可尚誰能借前籌前通傳客謂通曰先生知梁石君東郭先

生何不進之於相國乎通曰里毋非談說之士也束縵乞火非還婦之道也然物有相感

事有適可臣請乞火於曹相國○韓非子人有亡其豚肩有者意其婦而逐之鄰媼聞之束

葦而詣之曰昨夜狗爭骨須吾聞調羹鼎異火以燭之主母悟乃還其婦

味及粉堇

左傳鄭子家曰他日我如此必膏異味禮記內則曰堇荳粉榆兔薺

用堇夏用荳俞白曰粉堇音謹豈其供王羞

而棄會稽筍

退之詩幸當擇珉玉寧有棄珪瑁此用其意詩曰豈其食魚必

河之魴晨禮膳夫掌王之食飲膳羞醢人曰加豆之實筍鮓魚醢爾雅曰笋竹萌又曰東

南之菱者有會稽之竹箭焉

戲書秦少游壁

觀此詩意當是少游過南京有所盼主翁待少

游厚欲令從歸而其家難之也此篇因有秦氏烏故事遂皆寄言衆禽以爲戲

丁令威以指少游鸚鵡以指所盼者秦氏庭烏以指少游之細君雅烏之兄言

其所生子已長矣宋都今南京宋父指南京主翁末句戲謂少游異時富貴雖

有姬妾何傷以開廣細君之意也

丁令威化作遼東白鶴歸朱顏未改故人非

續搜神記遼東華表柱有鶴歌曰有鳥有鳥
丁令威去家千年今始歸城郭猶是人民非

何不學仙
冢累累
微服過宋風退飛宋父擁篲待來

歸誰饋百牢鸚鵡妃
孟子曰孔子微服而過
宋春秋僖公十六年六

鸚鵡退飛過宋都左傳曰風也昭公二十五年
鸚鵡之巢遠哉遙遙稠父喪勞宋父以驕註

謂稠父昭公死外故喪勞宋父定公代立故
以驕此詩皆用宋事但摘取宋父鸚鵡及百

牢字用之不取其意也史記孟軻傳曰騶子
如燕昭王擁篲先驅請列弟子之坐而受業

來歸見上註左傳哀公七年吳人曰宋百牢
我魯小可以後宋註云吳過宋得百牢此詩

引用謂南京主翁以所貽者代百牢而饋之
也蓋老杜嘗有詩云有鳥名鸚鵡鵡肉味不足

充鼎俎故用以戲之妃匹也退之猛
虎行曰朝怒殺其子暮還食其妃
秦氏烏

生八九子雅烏之兄畢通尾

古樂府云烏生八九子端坐

氏桂樹間爾雅曰鸞斯鸛鸛註云雅烏也小而多羣後漢靈帝紀註童謠曰城上烏尾畢

通憶炊門牡烹伏雌未肯增巢今汝棲

顏氏家訓

云樂府載百里奚妻解曰百里奚五羊皮憶別時烹伏雌炊麥多今日富貴忘我為案蔡邕

邕月令章句曰鍵關牡也所以止扉或謂之刺移此詩引用言少游細君亦必怨望不肯

增烏巢以容鸛鵒也莫愁野雉踈家雞但願主人印

累草隸以新間舊也法書苑云庾翼字稚恭善草隸在荊州與都下書云小兒輩乃輕家

雞愛野雉皆學逸少漢書石顯傳民歌之曰牢邪石邪五鹿客耶印何累累綬若若邪註

云累累重積也主人謂少游

贈秦少儀

少儀名覲少游之弟○王直方詩話少儀好為詩初不甚

而既而以所業見山谷山谷贈此詩當時交游間多以言為過然少儀緣此詩思大發非復往時交將亦刮目視之

汝南許文休馬磨自衣食但聞郡功曹滿世

名籍籍

蜀志許靖字文休汝南平輿人少與

功曹

排擢靖不得齒叙以馬磨君自給漢書陸

何謂秘也

渠命有顯晦非人作通塞

文選有

晦之語易曰

秦氏多英俊少游眉景白

蜀志

字季常兄弟五人並有才名鄉里為諺曰馬氏五常白眉最良良眉中有白毛故以稱之

頗聞鴻鴈行筆皆萬人敵禮兄之齒鴈行項

學學萬人敵杜詩吾早知有觀而不知有觀麟閣畫鴻鴈行

少儀袖詩來剖蚌珠的皦觀字少章剖蚌見

珠翠的皦而照耀李善註乃能持一鏃與我引說文曰的皦珠光也

箭鋒直昌文選射雉賦曰擊牙低鏃列子曰紀

衛相遇於野二入交射中路矢鋒相觸而墜

於地而墮不揚於是二子泣而投弓相拜於

塗請為父子其後叢林有箭鋒相拄之語蓋

出於此洪覺範僧寶傳載曹山寶鏡三昧曰
箭鋒相直巧力射中百步自吾得此詩三日卧向
壁世說王東亭轉卧向壁數日人固不可以
無年此借用自恨知少儀之晚向壁愧歎

也挽士不能寸推去輒數尺左傳曰夫二子

之此句止用其字老子曰不敢進寸而退寸

難不其然有亦未易識魯論曰才難不其然

固不易知知人亦未易也

送少章從翰林蘇公餘杭

東南淮海惟揚州國士無雙秦少游周禮職

南曰揚州禹貢曰淮海惟揚州高郵軍屬淮南路漢書韓信傳蕭何曰諸將易得至名信

國士欲攀天關守九虎但有筆力回萬牛楚辭

曰攀天階而下視招魂曰虎豹九關啄害下人些註謂天門九重使虎豹執其開閉啄齧

欲上之人也歐公詩曰興來筆力千鈞文學

重老杜古栢行曰萬牛回肯丘山重

縱橫乃如此故應當家有季子後漢周舉傳

周宣光老杜詩凌雲健筆意縱橫樂天詩當家美事堆身上何啻林宗與細侯當音去聲

時來誰能力作難鴻鴈行飛入道山樂府孫綽碧王

歌曰感郎不作難又太白詩曰回山倒海不作難又老杜詩麒麟閣畫鴻鴈行道山

皆見上註南史膺時來之班衣兒啼真自樂運發詩時來或作鵬騫

從師學道也不惡事親從師皆有可樂者列女傳曰老萊子老養二親

行年七十嬰兒自娛着五色絲衣嘗取漿上堂跌仆因卧地為小兒啼史記循吏傳曰老

人兒啼晉書謝道韞傳謝安曰但使新年勝王郎逸少子不惡汝何恨也

故年即如常在郎罷前

言少章僕從蘇公問學日新即所謂以志

養志者何必以不遠其親為孝哉王立之詩

話謂山谷此句蓋有深意五臺新諫丘遲雜

詩曰惟見君行久新年非故年唐人顧况有

困哀閩曰郎罷別困吾悔生汝困別郎罷心

摧血下隔地絕天及至黃泉不得在郎罷前

青箱雜記云閩人謂父為郎罷謂子為困

題淨因壁二首

暝倚團蒲挂鉢囊

舊作畫夢長

半窓踈箔度微涼

傳燈錄雲門傳曰高

蕉心不展待時雨葵葉

為誰傾太陽

唐餘錄路德延芭蕉詩云心似

足芭蕉葉大施子肥時雨見上註曹子建表

曰若葵藿之傾太陽雖不為之回光然終向

之者誠也蓋用淮南子意文選鮑明遠詩端
為誰苦辛唐詩芭蕉不展丁香結同向東風
各自愁

門外黃塵不見山此中草木亦常閑履聲如

度薄冰過催粥華鯨吼夜闌劉禹錫詩門外黃塵人自走甕

頭清酒我初開莊子曰北面而不見冥山履
聲見漢書鄭崇傳詩曰如履薄冰華鯨謂齋

魚之藻飾者釋氏要覽曰今寺院木魚或取
鯨魚一擊蒲牢為之大鳴也按文選東都賦

曰發鯨魚鏗華鐘又潘岳西征賦曰
華鯨躍鱗又老杜詩夜闌更秉燭

六月十七日晝寢

紅塵席帽烏鞞裏想見滄洲白鳥雙選詩曰復協滄

洲趣又老杜詩馬齧枯糞誼午枕夢成風雨

浪翻江聞馬齧草聲遂成此夢也楊巖經曰

睡時擣練卒未其人夢中聞春擣聲別作他

物或為擊鼓或為撞鍾此詩略采其意以言

江湖之念深無想與因遂成此

夢文選所馬督誅曰其稗空虛

北窓

生物趨功日夜流園林才夏麥先秋莊子曰

以息相吹文選孔文舉論盛孝章書曰歲

月不居時節如流澄記月令孟夏麥秋至

綠

陰黃鳥北窓簾付與來禽安石榴末句蓋有

此各用事於一時姑聽其自然耳歐陽詩錄

陰黃鳥春歸後尚書故實曰王內史書帖有

與蜀郡太守書求櫻桃來禽日給滕子來禽
言未甘來衆禽俗作林禽博物志云張騫使
西域選得安石榴蘇子美詩別院
深深夏簟清石榴花發遙簾明

趙子充示竹夫人詩孟涼寢竹器慈臂

休滕似非夫人之職予為名曰青奴并

以小詩取之二首

青奴元不解梳粧合在禪齋夢蝶牀公自有

人同枕簟肌膚冰雪助清涼文選嵇康琴賦序曰似元不解

澤音夢蝶見上註山谷鼓盆已久故用莊子
夢蝶事選之詩水紋浮枕簟莊子曰黃姑射

之山有神人焉肌膚若冰雪東
披樂府曰冰肌玉骨自清涼

穠李四弦風拂席昭華三弄月侵床我無紅

袖堪娛夜政要青奴一味涼元註云冬夏青

命日青奴穠李昭華貴人家兩女妓也昭華

蓋王晉卿駙馬家吹笛妓老杜詩紅袖泣前

魚歐公詩欲將何物招

嘉客唯有新秋一味涼

范蜀公挽詞二首

蜀公諱鎮字景文東坡為作墓誌今採掇

以證此詩

信道雖常爾知人乃獨亨

言公篤於信道蓋其常德至於知人

之明獨心通意曉乃得之於天也易曰有孚維心亨公事神宗復為翰林學士知通進銀

臺司王介甫為政欲改常平為青苗法公三上疏爭之其後議論益不合年六十三即致

仕此詩所謂知書林身老大諫紙字歌傾在公

人蓋指介甫宗朝已為學士書林見上註退之詩曰莫道官閑身老大樂天與元稹書曰身是諫官

月請諫紙又老杜詩作黿去三山動人危五

詩申吟內墨淡字歌傾黿去三山動人危五

鼎烹言公既去國本自此搖矣方公請致仕時介甫自草制極口詆公聞者皆為公懼列子曰歸墟中有五山帝使巨鼇十五戴之五山始時而不動龍伯國之大人一釣連

六鼇於是二山沉於此極漢書主父偃傳保

曰大文夫生不五鼎食死則五鼎烹耳全天子聖凡杖送餘生得終其壽老又老杜

詩淺把涓涓酒深憑送此生選詩餘生幸已多

公在昭陵日文章近赤墀空嗟伏生老不待

邇英帷

永昭仁宗陵名公事仁宗已掌內外制蓋先朝舊臣獨不見容於當世此

詩所歎也

漢書梅福傳曰涉赤墀之塗又儒林傳伏生故為秦博士孝文時求能治尚書

者欲召之時伏生年九十餘不能行邇英閣經筵所在公在神宗時無侍讀已而致仕

去國樂三虎聞韶待一夔誰言蓋棺了新樂

鎖蛛絲

韓子曰龐共與大子質於邯鄲謂魏王曰夫市無虎明矣然而三人言成

市虎今夫邯鄲去魏遠於市議臣者過三人願王察之公與劉几論樂不合既而請太府

銅自為新樂比李照樂下一律有奇二聖御延和殿召執政同觀賜韶嘉漿樂奏三日而

公薨聞韶見魯論呂氏春秋魯哀公問於孔子曰樂正夔一足矣又老杜詩書籤藥裹封

蛛網蓋棺了見上註詩意謂公以新樂卒不見用為恨也

宗室公壽挽詞二首

山谷嘗有贈宗室景道字跋云余與

宗室越宮有葭莩故曩與宣州院公壽景琰嘗共文酒之樂

昔在熙寧日葭莩接貴游

漢書中山靖王傳曰葭莩之親註云

葭蘆葉也葭者其蕭中白皮至薄者比喻相著周禮師氏曰凡國之貴遊子弟學焉註云

王公之題詩奉先寺橫笛寶津樓

東京記曰奉先資福

禪院在明義坊寶津樓在天苑坊與金明池心亭榭相直

天網恢中夏賓

筵禁列侯但聞劉子政頭白更清修

言禁網雖云疎

闊至宗室獨加嚴密故賓客不復往來如向時但聞其白首清修之賢而已文選任彥昇

表曰值齊網之強弛賓客之禁李善註引用後漢書建武中禁網尚寬諸王既長各招引

賓客漢書高帝紀註云通侯舊曰徹侯後改
曰列侯劉向字子政漢宗室也七十二卒○
魏志陳矯傳陳登曰清修疾惡有識有義吾
敬趙元達矣老子曰天網恢恢疎而不失又
詩有賓之初筵

昧旦鳴珂路春朝禁殿班書曰先王昧爽丕

車服志曰三品以上珂九子四品七子五品

六子又張嘉祐傳弟嘉貞為杜嘉祐任金吾

將軍時號所居坊曰鳴珂里周禮春見曰朝

○裴度未遇時絕句不然鳴珂游帝都不然

絕粒升方看分寶玉何意作丘山書旅獒曰

天衢

伯叔之國時庸展視文選張孟陽七燕入風

哀詩曰昔為萬乘君今為丘山土

榮舞花開日咲顏選詩曰榮屋翼也太白詩妾

選詩曰榮屋翼也太白詩妾

似井底花開
空餘杜陵淚一為漢中潛老杜

多有與漢中王瑤往
還詩瑤蓋唐宗室

出城送客過故人東平侯趙景珎墓

朱顏苦留不肯住白髮政爾欺得人樂天詩

顏看已失又詩留春不肯住薛能詩曰青春
肯我堂堂去白髮欺人故故生王真方詩話

云魯直常言少時誦薛能詩云青春背我堂
堂去白髮欺人故故生孫莘老問云此何人

詩公曰老杜莘老云杜詩不如如此後公云庭
堅因莘老之言遂曉老杜詩高雅大體此句

之所以對薛能
嬋娟去作誰家妾意氣都成一

聚塵文選西京賦曰增嬋娟以趾易註云姿
態妖蟲也樂天詩歌舞教成心力盡一

朝身去不相隨史記晏子傳意氣揚揚甚自得也寒山子詩云始憶八尺漢俄成一聚塵

黃泉無曉日今日牛羊上丘隴當時近前左

右嘆古樂府曰繡幕圍香風年節朱絲桐不

防託守宮今日牛羊上丘壟當時近前花

開鳥啼荆棘裏誰與平章作好春公樂天安詩

曰宜須數數謀歡會
好作開成第二春

黃穎州挽詞三首

恭惟同自出累世復通家
老杜贈盧五丈詩曰恭惟同自出妙

選異高標此借用言族姓同出也後惠沫霑
漢孔融傳謂李膺曰與君累世通家

枯涸忠規補過差

莊子曰泉涸魚相與處於

選左太冲詩曰塊若枯池魚陸士衡辨亡論

曰忠規武節宋王登徒子好色賦曰揚詩守

禮終不 曾中明王石仕路困風沙尚有平生

過差

酒秋原洒菊花

上玉石見註

臨民次公老論事長輿通

魯論曰居敬而行

黃霸字次公為潁川守晉書和嶠子長輿潘

安仁閑居賦序曰昔通人和長輿之論予也

固謂拙 袖有投虛刃時無斲鼻工

於用多 文選天台

刃皆虛按莊子庖丁解牛註 風流前輩近名

日遊刃於空斲鼻見上註

實後人公

文選孔融論盛孝章書曰今之少

年喜謗前輩歐公詩後世苟不公

至今無聖賢○晉書孫不謂三日別今成萬

事空

吳志呂蒙傳曰士別三日即刮目相待樂天詩百年隨手過萬事轉頭空

公與汝陽守人間孝友稀脊令鳴夜雨棠棣

倚春暉

脊令見上註棠棣詩曰棠棣之華

省雙飛入泉臺相與歸

蔡質漢官典職曰尚書郎奏事明光殿省

省中

皆以胡粉塗壁畫古賢烈文又老杜哭

死者

如可作也吾誰與歸○唐人謂不由負

裏翻作

哀笳死丘道衰涕不勝揮

老杜詩哀

上丘

今陳州家語云公文伯卒故姜曰二三

子無揮涕王肅曰揮涕者淚以手揮之選詩

可渡下不揮

樂壽縣君呂氏挽詞二首

歸裝衣楚楚家世印纍纍詩曰蜉蝣之羽衣

傳曰印何纍纍綬若若取劉滋未第時夢人持印滿匣令吞之至十四枚止見印纍纍出

於腹來作箕帚婦不忘蘋藻詩漢書高帝紀

息女願為箕帚妾采蘋詩序曰大夫妻能循法度也其詩曰于以采蘋南澗之濱于以采

藻于彼居然成萬古何翅謁三醫列子曰季

日大漸其子謁三醫一日盧氏騎省還秋直霜侵

鬢脚衰文選潘岳秋興賦序曰余春秋三十有二始見二毛以太尉掾無虎賁中

郎將寓直于散騎之省
岳又有悼亡詩三首

剪髮賓筵盛齊眉婦禮閑

老杜送王評事詩云自陳剪髮鬢鬢

市充杯酒謂王珪母也蓋用晉書陶侃母事

後漢書梁鴻傳曰孟光謂宜俱白髮忽去作

青山

詩曰君子偕老選詩今為丘山土

大夢驚胡蝶何時識

佩環

莊子曰且有大覺而後有大夢胡蝶見上註烈女傳齊孝孟姬曰妾聞妃后踰

國必乘安車輜軒下堂必從傳母保阿進退則鳴玉佩環漢書皇后紀論曰動有環佩之

響此詩引用蓋古之婦容皆如此不特右妃也哀歌行欲絕丹旄雨

班班

老杜詩丹旄飛飛日初傳發閬州雨班班見上註

叔父給事挽詞十首

給事名無字夷仲實錄有傳

元祐宗臣考十科公居八九未為多功名身

後無瑕點孝友生知不琢磨

宗臣謂溫公漢書蕭曹贊曰為

一代之宗臣溫公為相乞以十科舉士一日行義純固可為師表二曰節操方正可備獻

納三曰智勇過人可備將帥四曰公正聰明可備監司五曰經術精通可備講讀六曰學

問該博可備顧問七曰文章典麗可備著述八曰善聽獄訟盡公得實九曰善治財賦公

私俱便十曰練習法令能斷請獻○論語生而知之詩云如切如磋如琢如磨

平生治獄有陰功忠孝臨民父母同願上雅

夫談卓今宣城老吏識于公

贛上今虔州宣城今宣州據廩

傳中進士第調宣州司理叅軍移虔州會昌
令後漢卓茂傳茂為密令使人親愛而不忍
欺之漢書于定國傳于公曰我治獄
多陰德未嘗有所冤子孫必有興者

三晉山河數十州頻年水旱不能秋我公出

把司農節粟麥還於地上流王安石薦廉為

事神宗召見稱旨遂命體量河東河北災傷
除本寺丞推行荒政十二事漢書地理志曰
晉為韓魏趙所滅三家自立為諸侯是為
三晉唐劉晏傳曰自言如見錢流地上

更生苦訟石中書宰掾非人欲引裾兩猾論

兵幾敗國同時御史更誰如廉嘗為監察御

事傳所不載杜牧之作李給事詩曰可憐劉
校尉曾訟石中書按漢書劉向本名更生中

書宦官弘恭石顯弄權更生使其外親上變
事又上封事云云魏志辛毗傳文帝欲徙冀
州土豪十萬戶實河南毗以爲非帝不荅起
入內毗隨而引其裾帝遂徙其半漢書張良
傳漢王罵曰豎儒幾敗乃公事老杜詩論兵
遠壑靜王介甫作王侍御墓碣曰其言多同
時御史所不能言者

曾發公家鉅萬錢溝中襁褓却生全三齊水

後皆禾稼不殺耕牛更可傳

河決曹村廉充京東體量安撫

治飢民二十五萬人漢書食貨志曰京師之

錢累百鉅萬又田儉傳曰田柴盡并三齊之

地註謂齊及濟北

膠東可傳見孟子

晉地無戎卧賊曹民兵賜笏解弓刀六年講

武儒冠在不踏金門著戰袍

元豐三年團教三路民兵廉以

提點河東刑獄兼提舉明年秋上親召閱澤州保甲補官者五十八人進秩一等七年十

月罷提刑專領保甲元祐初召為戶部郎中○左傳曰無武而城讎必保焉通典曰兩漢

有決曹賊曹掾主刑法歷代或謂之賊曹或為法曹墨曹漢書楊雄傳曰歷金門上王堂

有日矣古樂府木蘭詩曰脫我戰時袍著我舊時裳

軍容百萬轉風雷獨料王師不戰摧三篋飛

書公對獄元豐天子照姦回

王師伐夏國命廉兼河東轉運

判官王中正將兵調發倉卒廉上言師必無功既而中正軍潰以轉運乖方歸罪於廉奏之上遣中貴人就詰狀廉謝不辦乃下潞獄月餘上察其情止奪一官中正官官故用魚

朝恩觀軍容事史記甘茂傳樂羊返而論功
文侯示之謗書一篋漢書張安世傳曰亡書
三篋後漢書廣陵思王荊傳曰作飛書封以
方底漢書劉向傳曰恭顯白令蕭望之詣獄
置對泰誓曰崇信
姦回註云回邪也

隴上千山漢節回掃除民蜮不為災蜀茶摠

入諸蕃市胡馬常從萬里來廉為吏部郎中會御史論陸師

閔推茶六害請通商復券馬如舊制遣廉按其
實廉請熙河秦鳳涇原如故勿改以制蕃

市而許東路通商禁南茶無侵陝西以利蜀
賈定撥馬歲以萬八千為額所奏皆可即拜

部大提舉茶馬公事漢節見上註詩
曰為鬼為蜮。左傳曰有蜚不為災

廊廟從來不在邊黃扉青瑣慶登賢除書未

試回天筆何意佳城到馬前

元祐六年十一月
蘇自陝西都

轉運召拜給事中論議引大體朝廷稱焉左
傳曰五大不在邊五細不在庭唐郭承嘏為

給事中文宗謂宰相曰承嘏久在貴府漢書
故事黃門郎日暮入對青瑣門故謂之夕郎

註云刻為連環文而青塗也唐書張玄素傳
魏徵曰張公論事有回天之力後漢書馬后

傳曰何意老志復不從哉佳城見上
註○白樂天詩黃紙除書無我名

榮祿常思澤九宗山摧梁壞併成空百年遺

恨誰昭洗他日諸郎有父風莊子曰鄭人緩
為儒河潤九里

澤及三族九宗見上註文選謝朓詩中區咸
已恭輕生諒昭四按洒與洗同庶之四子叔

豹叔向叔夏叔敖○禮記
泰山其額乎梁木其環乎

寂住閣

元註云陳留宿一殯堂因書為寂住閣

莊周夢為胡蝶胡蝶不知莊周

莊子曰昔者莊周夢為胡

蝶栩栩然胡蝶也俄然覺則遽遽然周也當不知周之夢為胡蝶歟胡蝶之夢為周歟當

處出生隨意急流水上不流

楞嚴經曰一切浮塵諸物化相

當處出生隨處滅盡文選頭陀寺碑李善註曰意生身謂菩薩言能變化生死隨意往生

文選古詩曰淮泗馳急流肇法師物不遷論云仲尼曰回也見新交臂非故如此則物不

動往來明矣既無往返之微朕有何物而不可動乎然則旋風偃嶽而常靜江河競住而不可

怪哉復何

深明閣

象踏恒河徹底日行閻浮破冥若問深明宗

旨風花時度窓櫺

上兩句言深與明涅槃經云聲聞緣覺反大菩薩同

在佛所聞佛說一味之法然其所證各有淺

深譬象馬兔三獸渡河兔渡則浮馬渡及半

唯大香象徹底截流華嚴經曰譬如日出於

閻浮提先照一切須彌山等然後普照一切

大地如來亦爾大智日光無所分別又頌曰

譬如日出閻浮提光明破闇悉無餘傳燈錄

壽禪師曰欲識永明旨門前一湖水日照光

明生風來波浪起又達磨傳曰外付袈裟以

定宗旨說文曰

櫺猶間子也

四庫全書

明倫彙編

未步

大野

卷四

一

林

日

韓明

18

卷之四

與

太



22



三